


# Wantok

Mosbi prais 25t  
Arapela provins 30t

Namba 604 — Wik i stat long 18 Janueri, 1986



## Insait

- Gavman sekap long ovasis wokman — pes 3
- Samana i tok em i no kodineta — pes 2
- Tony Bais i hatim Chan — pes 2



• ToVue laik rausim ol trabelman — pes 5

- Ol Kiunga fama planim kakau nau — pes 4
- Is Sepik top wok i gat 4-pela man — pes 3
- Kibung bilong Hara Kap progrem
- Spesel yia bilong ol Luteran i stat




• Pren bilong yu Toro i kam bek nau lukim em long pes 2



• Ol ka na moto bilong yu — pes 8,13

# Komiti bai skelim hevi bilong ol yunian



• Bill Ninkama - Minista bilong leba i kirapim nupela komiti.

WARI BILONG ol yunian long kantri em i bikpela wari tru bilong Minista bilong Leba na Emploimen, Bill Ninkama.

Mista Ninkama bai kamapim wanpela komiti long lukluk na skelim wari bilong olgeta yunian bikos dispela tripela bikpela hevi em i painim nau i stap long wok yunian long kantri.

Mista Ninkama i kamapim tripela bik-

pela wari bilong em na dipatman bilong em long Wantok Niuspepa long Trinde Janueri 15.

Dispela nupela komiti bai stat wok long dispela mun. Em i nupela tingting bilong Ninkama long helpim opis bilong em i wok klostu wantaim ol yunian.

Mista Ninkama i tok olsem, "Dispela komiti em i wanpela nupela senis em dipatmen bilong mi i kamapim.

Planti kain senis olsem bai kamap yet long dispela yia long strongim wok bilong Leba na Emploimen.

Mista John Elijah husat i ekting deputi seketeri bilong leba na Emploimen Dipatmen bai go pas long dispela nupela komiti. Mista Ninkama i no givimaut nem bilong tupela arapela memba bilong dispela komiti.

Em i tok, "Dispela nupela komiti bai sekim gut wari bilong

wanem kampani na ol wokman husat i kamapim straik. Na komiti bai ripot bek long Leba na Emploimen minista long wanem kain rot i gutpela long stretim wari bilong kampani na wokman."

Long dispela mun yet, Mista Ninkama bai kamapim tu tupela spesel kot bilong harim

hevi bilong tupela bikpela grup long ol wokman husat i bin straik long wok i no longtaim i go pinis.

Em i tok olsem, dipatmen bilong em i laik stretim kiwk hevi bilong ol wokman bilong Bougainville Kopa (straik Novemba 1985) na Ramu Suga (straik - Janueri 1986).

## Minista odaim komisina long saspensim 3-pela plisman

I GAT tripela plisman long Mosbi i kisim bikpela mekim save i kam long Minista bilong Plis, Mista Tom Muliap long dispela wik Trinde, 15 Janueri.

Mista Muliap i odaim Plis Komisina, David Tasion long saspensim dispela tripela plisman long wok. Em i mekim oda bihain long em i kisim komplem na kotpepa bilong wanpela loya long Mosbi. Dispela loya i laik kotim dispela tripela plisman long wanpela asua ol i mekim antap long em insait long Gerehu Plis Stesin long Nu Yia. (Trinde, 1 Janueri).

Mista Muliap i soimaut kotpepa insait long kibung bilong em wantaim ol niusman long Plis hetkota, Konedobu.

Kotpepa i tok: "Mista Paul Robinson Amaiu (man i komplem) i laik kotim plis Konstabel Jeffrey Simewa na tupela arapela plisman long wanem Simewa wantaim tupela wanwok i tambuim em (Amaiu) long toktok wantaim tupela man husat i stap long rumgat long Gerehu Plis Stesin.

Simewa wantaim tupela wanwok i mekim tok pret long paitim em long taim em i laik mekim wok bilong em aninit long lo.

Na dispela asua bilong plisman i popaia long "Seksan 370 long Kriminal Kod Ekt."

Dispela kot bilong Amaiu wantaim plisman bai kamap long Mosbi long Trinde, 22 Janueri.

Mista Muliap i tok, "Dispela tripela plisman bai saspensim inap long taim kot bilong ol i pinis. Sapos kot i painim plisman i asua, bai mi no inap marimari long ol. Long wanem mi no laikim ol plisman i abrus long lo bilong kantri na kamapim birua namel long Plis Fos na manmeri long pablik.

Em i tok, "Bihain long dispela kot bilong lo i pinis, bai dispela tripela plisman i kisims sas aninit long lo bilong Plis Fos. Sapos kibung bilong lain opisa na Plis Komisina i pasim tingting long rausim ol long wok, bai mi bihainim maus bilong ol tasol."

Mista Muliap i tok em i namba wan taim bilong em i kisim dispela kain komplem na kotpepa bihain long em i kisim opis. Tasol em i no kirap nogut. Long wanem em yet i kisim ripot bilong ol manmeri i komplem long bikhet pasin, hambak pasin na wok slek bilong sampela plisman. Em yet i no laikim ol dispela kain pasin i bagarapim gutpela nem bilong Plis Fos.

Plis Komisina David Tasion i no stap long opis bilong em long taim *Wantok Niuspepa* i askim long painimaut moa long dispela oda

## Muliap i stapim 50 nupela ovasis plisman



• Tom Muliap

BAI GAT bikpela belhevi i kamap namel long lain PNG opisa bilong Plis Fos, sapos Dipatmen bilong Plis i kisim 50 kontrak opisa long Ingran i kam long PNG long dispela yia.

Minista bilong Plis, Mista Tom Muliap i no laikim dispela hevi i kamap. Na em i tokim Plis Komisina, Mista

David Tasion long stapim rot bilong kisim ol dispela ovasis kontrak opisa i kam long PNG. Mista Muliap i tokaut long dispela tingting bilong em long dispela wik Trinde, 15 Janueri.

Mista Muliap i tok bai gat tripela hevi i kamap, sapos ol dispela kontrak opisa i kam


joinim PNG Plis Fos.

(1) Ol dispela kontrak opisa bai kisim 50 haus bilong ol lokal Sab-Inspekta na Saiden-Mesa. Na ol dispela PNG opisa bai painim narapela haus we?

(2) Mak bilong ol dispela kontrak opisa em Saiden-Mesa bi-  
**I go moa long pes 3**



Tropikol fleva insait long bisket  
**PINEAPPLE CRUNCH**







# Gavman sekap long ol ovasis wokman

■ **MOSBI:** Plis Komisina long Mosbi Mista David Tasion i tok orait pinis long narapela 100 risev plisman long statim trening bilong ol long Januəri 25.

Mista Tasion i tok olsem bai ol dispela plisman i statim trening bilong ol long 4-pela grup we i gat 25 pipel long wan wan grup. Mista Tasion i tok olsem long taim ol dispela 100 rekrut i joinim ol arapela lain bai namba bilong ol risev plisman i go antap long samting olsem 200.

Em i tok ol risev plis i wok long givim gutpela helpim long olgeta plis operesen insait long Mosbi siti.

■ **RABAU:** Long Rabaul plis i holim pas gen tupela kalabus husat i bin ranawe long 8 Januəri.

Wanpela bilong ol Conrad Toraya i bin kisim bagarap long taim em i bin kisim wanpela bus naip na tu wanpela savol na em i traim long paitim wanpela plisman. Tasol plisman i bin sutim em long lek bilong en na nau em stap long haus sik.

Narapela man em ol plis i bin holim em long nait em Ben Kapi.

■ **TALASIA:** Long Talasia Wes Nu Briten Provins plis i holim pinis na sasim 8-pela man husat i bin traim long kirapim pait.

I kam inap nau plis i kotim 36-pela arapela man na sasim ol long baim kot long K5. Sapos nogat bai ol i go long kot inap 3-pela mun.

Ol trabel insait long Talasia nau i stap isi tasol.

■ **MOSBI:** Plis long Mosbi i putim pinis wanpela bikpela komputa long hetkwata bilong Plis Dipatmen bilong painimaut ol trabel bilong ol man husat i bin mekim trabel bipo yet. Ol i kolim dispela komputa olsem Kriminel Rekots na Infomesen Komputa Sistem.

Ol man bilong wokim ol progrem long komputa i bin mekim dispela program long Nesenel Komputa Senta long Waigani.

Na nau dispela komputa senta i gat ol han bilong em i go long Maun Hagen Goroka, Madang na Lae Plis stesen.

Dispela i min olsem sapos ol opisa long ol dispela senta i laik painim ol ripot bilong ol warant long ol kalabus man husat i ranawe ol arapela trabel na bai ol i ken painim dispela ripot insait long 30 seken tasol.

Nau i gat 11-pela opereta husat wok long putim ol ripot i go insait long komputa. Na sampela plisman i wok long trening long yusim ol dispela masin.

Dispela komputa bai i go long ol arapela provins long bihaintaim.

■ **MADANG:** Plis long Madang i rabisim wanpela ripot olsem tupela man husat i bin stap long sel i bin bagarapim tupela meri long Mande bilong wik i go pinis.

Stesen Komanda Senia Inspekta Joe Bukikun i bin tokaut olsem dispela pasin i no bin kamap long dispela tupela meri bihain long taim wanpela dokta i bin sekim tupela meri ya. Tasol komanda i bin tok olsem ol sasim tupela man ya Alisap Bombom husat i gat 19 krismas bilong em bilong Finshafen Morobe Provins wantaim Nick Binga husat i gat 19 krismas na em i bilong Ambunti long Is Sepik.

Plis ripot i tok olsem dispela tupela meri i bin stap long narapela sel na i no bin stap wantaim ol dispela tupela man. Tasol ol i bin bung long taim bilong kaikai long taim dispela trabel i bin kamap.

Dispela tupela meri i bin tok olsem dispela tupela man i bin bagarapim tupela long taim duti opisa i bin go long opis.

**OPIS BILONG** Minista Bill Ninkama (Leba Emploimen Dipatmen) i statim pinis namba tu wok bilong painimaut husat ovasis man i kalapim lo na wok long kantri.

Mista Ninkama i kisim pinis sampela ripot pepa bilong wan wan ovasis man husat i wok long kantri na em bai skelim gut sapos ol dispela man i bihainim lo long kisim wok long PNG o nogat.

Long namba wan wok, Mista Ninkama i bin tokim ol opisa

bilong Leba na Emploimen Dipatmen long painimaut na raitim ripot bilong husat ovasis man i wok long kantri. Ol dispela ripot i bin ol ovasis wokman long PNG em ol opisa i ting i kalapim lo bilong kantri long kisim ol wok.

Mista Ninkama i tok long Trinde, Januəri 15 olsem, "Mi bin askim long dispela wok painimaut bihain long planti komplek na apili kam long ol wokman long olgeta hap bilong kantri. Ol dispela komplek i tokaut long

wari olsem i gat sampela ovasis wokman i no gat rait long kisim wok long PNG na ol i pasim ples bilong ol PNG man i kisim wok."

Em i tok, "Bai mi bringim wanpela ripot long dispela wok painimaut long kabinet na kabinet i ken lukluk long dispela wari."

Mista Ninkama i tok tu olsem, nau i gat moa ovasis wokman long kantri husat i no bin wok long hia bipo. "I gat nau ol ovasis man i kisim wok bihain long ol i kam long lukim ol

wantok na pren bilong ol. Olsem na mi mas lukluk gut long dispela kain wokman bilong ovasis na stretim dispela hevi."

Em i tok olsem, dispela tingting bilong helpim ol nesenel man i kisim wok em i tingting bilong gavman bilong em. "Mi laik mekim wok olsem Dipatmen bilong Primeri Industri na Turis i laik mekim."

Mista Okuk, Minista bilong Praimeri Industri i toktok long kisim moa mani long helpim ol fama na wok egrikalsa i go het.

Minista bilong Kalsa na Turis tu, Misis Nahau Rooney i wok strong nau long kirapim gen turis industri long kantri. Olsem na Mista Ninkama i laik strongim tru wok bilong opis bilong em na helpim ol pipel na wokman bilong PNG.

Mista Ninkama i tok, "Gavman bilong mi i tingting long kamapim gutpela wok insait long pablik sevis na tu long ol praivet kampani. Mipela laikim ol wokman husat i save long wok bilong ol na i mekim gut wok."

## Plis tok lukaut long toi gan

PLIS i bin mekim wanpela tok klia long dispela wik olsem husat man o meri i yusim wanpela toi gan o karim i go long pablik ples o i yusim long pretim ol pipel bilong mekim stil pasin bai plis i sasim em.

Ol man no ken yusim samting i ken pairim katres o gas o wanem kain spia bilong bagarapim man.

Plis i tok olsem ol papa bilong stua husat i no save long wokim wanem wantaim ol stok bilong ol i ken ringim

I go moa long pes 6

## Bais i hatim Chan long nupela wok bilong Kwan

**MEMBA BILONG** Wewak, Mista Tony Bais, i tok Gavman i makim Mista Perry Kwan olsem PNG Ambasada long Filipins, i soim olsem gavman i no gat rispek long ol pipel bilong Nu Ailan na Papua Niugini tu.

Mista Bais i tok, i gat planti ol saveman bilong dispela kain wok i stap tasol watpo na Sir Julius Chan i no makim ol. Mista Bais i tok i gat planti saveman bilong Nu Ailan tu i stap tasol Sir Julius i givim dispela wok olsem wanpela prais long wok 'Kwan i bin

mekim long vot ov no konfidens i kamap long mun Novemba.

Mista Bais i tok, "Wanem samting mipela lukim nau em i piksa bilong kusai gavman. Ol i rausim ol gutpela saveman i wok longpela taim tru long pablik sevis. Na long narapela sait yumi lukim gavman i kisim ol praivet pren bilong ol na putim ol i go insait long diplomatik sevis.

Mista Bais i tok, Sir Julius, Praim Minista na gavman inap long kisim ol top pablik sevan em nau ol i stap nating, bihain long ol i

senisim nabaut pablik sevis, na putim ol dispela man i go bosim ol ovasis opis bilong PNG.

Mista Bais i sapotim Morobe Primia, Utula Samana long gavman bilong Wingti i mas kamapim pablik ol polisi bilong ol long wokman bilong kantri.

Em i tok, gavman i no inap tokaut bikos ol 5-pela Pati long gavman i no bihainim wanpela tingting long wokman bilong kantri.

Mista Bais i salensim Praim Minista na Fainens na Plan-



● Tony Bais

ing Minista bilong em long soim PNG nau sapos ol inap long katim daun bikpela hevi wokman bilong kantri.

## Samana i tok em i no MA kodineta

**PRIMIA BILONG** Morobe Provins Mista Utula Samana i bin tokaut dispela wik olsem em i no save olsem Melanesian Alaiens i bin makim em olsem kodineta bilong ol insait long Momase rijen.

Mista Samana i tok olsem em i no save olsem dispela i bin kam long ol eksekativ bilong Melanesian Alaiens.

Tasol em tok olsem em bai i no inap holim dispela posisen bilong wanem em i mas kisim tok orait long Morobe Indipenden Grup. Tasol i luk olsem bai ol i no inap long oraitim em long holim dispela posisen.


Mista Samana i bin mekim dispela bekim i go long Mista Bayang

Mare husat i bin askim em olsem em i sanap wantaim wanem pati.

Mista Samana husat i siaman bilong Morobe Indipendens Grup (MIG) i tok olsem posisen bilong MIG i stap klia tasol. Ol i no joinim wanem politikel pati. Tasol Mista Samana i bin tok olsem ol i sanap arere long Melanesian Alaiens bikos ol i bin kamapim dispela polisi bilong disentrailaisen olsem na ol i sanap arere long Melanesian Aliens bikos ol i bin kamapim dispela polisi bilong disentrailaisen olsem na ol i sanap sapotim ol.

Mista Samana i bin mekim singaut i go long Mista Bayang

I go moa long pes 5





# I gat 4-pela nem long top wok bilong Is Sepik



• Jonathan Sengi

EM I tru olsem Mista Cyril Kondang bai kamap nupela hetman bilong dipatmen bilong Is Sepik Provins o nogat?

Wanpela mausman bilong Is Sepik Provinsal Gavman i tok olsem, Mista Kondang i gat moa sans long kisim wok seketeri bilong Dipatmen bilong Is Sepik.

Dipatmen bilong Is Sepik na ol pipeli wet yet long save husat bai kamap nupela seketeri bilong Is Sepik. Ol i laik save tu wanem taim bai Is Sepik na ol pipeli wet yet long save

husat bai kamap nupela seketeri bilong Is Sepik. Ol i laik save tu wanem taim bai Is Sepik Provinsal Eksekutiv Kaunsil i makim man bilong mekim dispela wok.

Dispela wok seketeri bilong dipatmen bilong Is Sepik i no gat man yet bihain long Mista Paul Bengo i kisim seketeri bilong Dipatmen bilong Provinsal Afeas.

Nau yet, Mista Paul Bengo i mekim tupela wok wantaim. Em i lukautim yet dipatmen bilong Is Sepik na nupela opis bilong em long Provinsal Afeas.

Siaman bilong Provinsal Eksekutiv Kaunsil (P&C) na Primia bilong Jonathan Sengi i tokaut olsem em i salim pinis 4-pela nem bilong ol man em PEC i ting inap long holim dispela wok.

Dispela ol nem i stap nau long Pablik Sevis Komisn (PSC) opis. PSC bai givim narapela tupela nem moa long mekim 6-pela kendidet olgeta bilong dispela wok seketeri bilong dipatmen bilong Is Sepik.

Namel long ol dispela 6-pela kendidet, PEC bilong Is Sepik

bai makim wanpela man ol i ting inap mekim gut dispela wok.

Ol dispela 4-pela man em PEC bilong Is Sepik i makim em: Cyril Kodang husat i wok namba wan asisten seketeri bilong sosel sevises, na tupela wantaim i wok long Dipatmen bilong Is Sepik.

Arapela tupela man em: William Nindim na Alois Branch, husat i wok komisina long Pablik Sevis Komisn.

# Pangu na MA i paitim toktok nau

LIDA bilong Pangu Pati na bikman bilong Oposisen, Mista Michael Somare bai holim namba wan kibung bilong em wantaim namba tu oposisen lida na lida bilong Melanesian Alaiens, Pater John Momis long Fonde, Januери 16.

Dispela em namba wan kibung bilong

oposisen bihain long krismas 1985.

John Harangu, pres seketeri bilong oposisen i tok, "Ating wanpela samting ol bai toktok long en em dispela tingting bilong bung wantaim na kempen long 1987 nesenel ileksen."

Wantok Niuspepa bilong las wik, namba 603 (pes 3) i tokaut long tingting bilong

Melanesian Alaiens na Pangu long bung wantaim na putim wanpela kendidet tasol long ol ilektoret long taim bilong ileksen.

Mista Haragu i tok olsem, Pangu Pati holim wanpela bikpela kibung bilong ol hetman bilong Pangu Pati long olgeta provins long Madang Taun long Februери 1986.

# OPM tekova long distrik hetkota

**SAMTING olsem 1,000 OPM paitman i tekova pinis long wanpela distrik hetkota bilong Wes Irian we Indonesia Gavman i bin putim ol sekyuriti na solida bilong ol long en.**

Mista Tony Mawae, memba bilong Amanab long Wes Sepik Provinsal Gavman i tokaut long dispela ripot bihain long em i bin toktok wantaim sampela pipel husat i bin stap insait long dispela senis bilong gavman long Waris Distrik hetkota.

Waris Distrik i bilong Wes Irian na em i stap long arere bilong PNG Indonesia boda. Waris Distrik i stap klostu long Imonda stesin long Wes Sepik, longwe bilong em long Imonda em olsem 5-pela aua long wokabaut.

Distrik Opisa bilong Imonda, Mista Pascal Urum i tok em i bin save olsem i gat pait i kamap namel long ol OPM Paitman na ol Indonesia Soldia long Waris Distrik.

Mista Urum i tok olsem, em i no bin kisim sampela moa ripot sapos i gat moa i dai long dispela pait. "Tasol i no longtaim i go pinis, planti ol OPM paitman i bin kam insait long Imonda Distrik. Ol i no yusim bikrot, tasol ol i gat busrot bilong ol yet.

Ripot bilong Mista Mawae i tok olsem, ol OPM paitman i bin bomim wanpela ka bilong ol soldia bilong

Indonesia long dispela pait na tu ol i bagarapim haiwe na ol bris namel long Waris na Jayapura, biktaun bilong Wes Irian.

Ripot i tok tu olsem, nau yet pait i wok long kamap bikpela namel long ol soldia na OPM paitman. Na tu, dispela pait i wok long go olsem long Arso na Urub Distrik insait long Wes Irian provins long Indonesia.

Arapela ripot bilong dispela pait i kam long boda i tok olsem, ol OPM i gat nupela lida em, Mista Boni.

Dispela nupela lida bilong OPM ol i kolim em "General Boni" i kisim ples bilong James Nyaro husat i

bin tokaut olsem em i pinis olsem presiden bilong OPM long Desemba 8, 1985.

Mista Nyaro i bin pinis wantaim sedo minista bilong em, Alex Donald Derey long taim ol i givim ol yet long gavman bilong PNG las yia.

Mista Nyaro na minista bilong em i bin givap long pait egen-sim Indonesia long kamapim independen Wes Papua tupela wik bihain tasol long lida bilong Saten seksen bilong Wes Papua, Mista Geradus Tommy na tupela deputi bilong em, Areis Wader na David Teimka i givim ol yet long han bilong PNG Gavman.

# Moa tisa kisim promosen



• Ol tisa na skul inspekta long wanpela skul insait long Morobe Provins.

**EKTING SEKETERI** bilong Edukesen Dipatmen, Mista Betuel Peril i tokaut pinis olsem 3,677 tisa i kisim promosen, o "rating" ripot bilong las yia 1985.

Dispela ol tisa i bilong olgeta level bilong Edukesen Dipatmen. Dispela ol ripot i bihainim yet wan, wan sindaun bilong ol tisa long skul na wok bilong ol.

Ol skul inspekta, i save glasim na raitim ripot long taim em i go raun lukluk long skul. Na tu i gat ol ripot bilong ol tisa i kam long het tisa o ol fil opisa bilong Edukesen Dipatmen.

Namba bilong ha-

mas tisa long wan wan level ol kisim dispela ol posisen o rating bihain long ol bikman i stretim olgeta ripot i kam long ol provins. Dispela kibung ol i kolim Nesenel Rating Kibung" i kamap long Mosbi long mun Novemba las yia.

Mista Peril i tok, long olgeta 3,677 tisa i kisim rating i gat dispela namba.

Komyuniti tisa, 2,644 long olgeta level, Provinsal Haiskul tisa: 638, Vokesenel Senta tisa; 97, Nesenel Haiskul na Koles ov Ekstenel Stadi: 130. Teknikal Edukesen: 122 na 64 bilong Tisa Edukesen.

Na 619 tisa i kisim mak tru olsem ol i tisa.

Long dispela namba, 344 i bilong komyuniti skul, 173 i bilong ol Provinsal Haiskul. Na 28 tisa bilong Nesenel Haiskul na Koles ov Ekstenel stadi, 31 Vokesenel senta, 35 Teknikal Koles na 8-pela bilong Tisa Edukesen.

Hia em namba bilong ol yia wan tisa husat i rijista nau long Edukesen Dipatmen.

Ol 1,315 yia wan tisa i rijista pinis. Ol 838, em ol komyuniti skul tisa na 274 bilong ol Provinsal haiskul, 125 bilong Nesenel haiskul na Koles ov Ekstenel Stadis. Na 20 bilong ol Vokesenel senta.

Tasol ol 101 yia wan tisa i no bin gutpela. Na dispela ol tisa i no

rejista insait long tisa sevis long Edukesen Dipatman. Dispela yia 1986 bai ol bikman i glasim gen wok bilong ol.

Mista Peril i tok, dispela ol tisa i kisim rating nau i stat long level 1 na go inap long level 6. Ol tisa em ripot bilong ol i no bin gutpela long ol yia i go pinis, nau ol glasim gen na givim rating long ol tu.

Mista Peril i tok, dispela rating o promosen i bilong olgeta Nesenel na Ovasis tisa tu. Ol tisa husat i rejista long kantri bilong ol yet tu i stap aninit long dispela rating sistem.

Dispela wok i save kamap wanpela taim long wan wan yia.

## i kam long pes 1

long Plis. Dispela mak i aninit long Sab-Inspekta bilong PNG Plis. Na em i no stret long dispela lain ovasis opisa i rausim ol senia PNG Plis opisa long wok.

(3) Ol dispela ovasis Saiden-mesa bai kalap

na kisim pe i wankain long Sief Inspekta long PNG Plis. Dispela i no stret long tingting bilong ol PNG plis opisa na pablik tu.

Mista Muliap i bilip bai planti PNG opisa i lusim wok. Dispela kain rot bai kamapim tubel pasin insait long

Plis Fos. Na dispela asua i no inap helpim Plis Fos long mekim kamap smatpela wok.

Em i tok klia olsem dispela tingting bilong kisim ol ovasis opisa em i wanpela projek aninit long 49 nupela rot bilong Lo na Oda program. Dispela

tingting i kamap namel long taim bilong olupela Somare-Momis gavman. Na i gat plen long dispela projek i kisim moa long K1 milion insait long basetmani bilong dispela yia (1986).

Aninit long dispela Lo na Oda program

bilong Somare-Momis gavman, ol i tok long dispela 50 Plis Opisa bilong Ingran i kam mekim wok kontrak inap long 10-pela yia olgeta. Dispela i soim olsem Dipatmen bilong Plis bai lusim moa long K12 milion long lukautim ol

## PAPUA HOTEL



WIK DE KAIKAI

Mande inap Fonde K5.00

Spesel kain kaikai olgeta Fraide K8.50

Bilong wanem wetim sevis? Bilong wanem lusim moa mani Kisim bikpela, gutpela kalkal long liklik pe

PAPUA HOTEL (Lessee Suckling Enterprises Pty Ltd) Telepon: 21 2622 na mekim buking.



**Stretim hevi bilong biklain pastaim**

OL HEVI em ol plisman insait long PNG i save painim long sindaun bilong ol, em i no nupela samting. Oltaim i gat haus i sot, pe i no gutpela tumas, ol i wok ovataim na i no kisim gutpela pe na planti arapela liklik hevi.

Ol dispela em sampela wari bilong ol plisman bilong yumi tude. Orait ol pablik i save sutim tok oltaim i go long ol plisman na tok ol dispela opisa bilong ol i no save mekim gut ol wok bilong ol.

I gat tok i kamap tu olsem ol plisman i slek long wok bilong ol. Na ol i no soim rispek long ol opisa i bosim ol.

Ating dispela ol toktok i tru, yumi no save. Na nau gavman i laik stapim dispela tingting bilong kisim 50 kontrak plisman na meri i kam long Inglan. Dispela tingting gutpela bikos Plis dipatmen bai lusim bikpela mani long baim ol dispela opisa. Na tu, ol PNG plisman na meri bai i no inap long amamas bikos ol i save bai ol dispela opisa i kisim mani maski sapos ol i senia insait long fos.

Mobeta Plis Dipatmen na gavman i stretim pastaim ol hevi bilong ol plisman bilong yumi hia long PNG pastaim, orait bihain ol i ken lusim mani long kisim ol ovasis opisa i kam wok hia.

Yumi save sapos man i amamas bai em i inap long mekim gut wok bilong em. Na husat man i gat wari bai i no inap wok gut.

**Ol Kiunga fama i planim kakau nau**

Ian Kakarere i raitim

OL viles fama long hap bilong Kiunga Distrik laik stat long planim kakau na resis wantaim bisnis bilong raba insait long Western Provins.

Namba wan lain long tokaut long tingting bilong ol long mekim bisnis long kakau em ol pipel bilong Rumginae.

Long las Sande Janueri 12, ol pipel bilong Rumginae i bin autim dispela tingting bilong ol long wanpela kibung em ol i holim long "Evangelical Church of Papua."

Mista Bernard Narokobi wanpela PNG loya na Deputi Lida bilong Melanesian Alaiens Pati i bin toktok tu long dispela kibung bilong ol pipel long Kiunga.

Wanpela memba bilong Not Flai Political Etrvaiseri Komiti, Mista Philip Dipnai i oganaisim dispela kibung.

Mista Narokobi i tokim ol viles fama olsem, bisnis i no inap ran long laik bilong em yet. Bisnis mas gro wantaim Kristen pasin bai God i blesim ol hatwok long ranim dispela bisnis.

Em i tok olsem, developmen na bisnis i gat tupela sait. "Sapos bisnis i kisim spes bilong gaden na i karamapim olgeta liklik hap graun, bai no gat kaikai bilong strongim bodi na i no gat diwai samting bilong wokim ol haus. Bai ol abus i ranawe i go insait long bus tru na hat long ol sutma i painim abus."

Long sampela ples long PNG nau, Mista

Narokobi i tok, i no gat moa diwai i stap klostu we ol i ken yusim long mekim haus bilong ol. Em i tok dispela samting i kamap long ples bilong em tu. Ol pipel i save senisim sampela samting long ples long kisim diwai long narapela viles.

Mista Narokobi i tok tu olsem, olgeta blok graun i no wankain. Sampela hap graun i gutpela long planim samting olsem kopi na kakau bilong mekim bisnis. Sampela graun i gutpela long mekim gaden na planim saksak

na sampela graun i gutpela long painim abus.

Em i tok strong long ol pipel bilong Rumginae olsem ol i no ken yusim gutpela graun bilong mekim gaden long planim kakau na kain samting olsem long wok bisnis.

Sampela ol man husat i toktok long dispela kibung tu i bin kros long Dipatmen bilong Praimeri Industri (DPI) long daunim tumas pe bilong ol samting olsem kakau, kopi, kopra na raba.

Tasol Mista Naro-

kobi i tok olsem, ol fama i no ken sutim kain tok olsem long DPI, "Pe bilong ol samting long wol maket i wok long pundaun na olsem tasol pe bilong ol samting long PNG i pundaun tu. Sapos samting i sot long wol, em bai pe bilong dispela ol samting i go antap. Sapos i gat planti bilong wanpela kain samting long wol, em bai pe bilong dispela samting i pundaun."

Mista Narokobi i tokim ol fama olsem ol

mas askim ol DPI opisa long helpim ol na wok bung wantaim ol lain opisa bilong DPI.

Em i tok tu olsem, ol fama long Rumginae mas fomim wanpela maketing oganaisesen bilong ol yet olsem ol pipel bilong Is Sepik i mekim long taim ol i fomim "Is Sepik Kakau Produsa Limitet."

"Wok bung wantaim bai helpim ol pipel long stretim planti wari i kamap namel long ol o wan wan bilong ol," Mista Narokobi i tok.



• Kakau bisnis i bikpela long hap bilong Niugini Ailan. Tasol nau ol pipel bilong Kiunga i laik kamapim tu kakau bisnis long ples bilong ol.

**WANTOK NIUSPEPA**

Nius i kamap 52 taim long yia

Opis bilong Edita na edvetaising long PNG

P.O. Box 1982, Boroko  
Telepon: Mosbi - 25 2500,  
Teleks: NE 22213  
Edvetaising - Telepon: 25 2500

**PE BILONG WANPELA YIA, 52 NIUSPEPA**

Ples	Air Surface
Port Moresby	K20 K20
PNG	K29 K29
Australia & Sol Islan	K60 K39
New Zeland & Pacific	K78 K46
America & Europe	K118 K60

Printed and published by Rowan Sidney Callick, of Purari Avenue, Gabutu, at Allotment 2, Section 209, Hohola.

**Torato i egensim tru pasin pamuk**



PAPUA NEW

NESENEL PATI i agensim tru, na i tok bai ol i egensim tu lo bilong oraitim pasin pamuk, long Papua Niugini.

Lida bilong Yunaitet Pati na Minista bilong Lens, Mista Paul Torato i tok long dispela wik olsem, em i save long toktok bilong Mista Iambakey Okuk i savotim toktok bilong lo i mas oraitim pasim pamuk long PNG. Mista Torato i tok pati bilong em bai engensim tru husat ol lain i laikim pamuk bisnis long kamap long dispela kantri.

Mista Torato i tok, em i lida bilong Kristian Kantri. Na pamuk

bisnis i nogut tru ples long kristian sindaun.

Em i tok, long ol kantri em pamuk bisnis i stap long en i gat kain kain sik i kamap long ol manmeri.

Em i tok, olsem maski long ol dokta i husat i savotim toktok bilong lo i mas oraitim pasim pamuk long PNG. Mista Torato i tok pati bilong em bai engensim tru husat ol lain i laikim pamuk bisnis long kamap long dispela kantri.

Mista Torato i tok, olsem kain sik olsem Aids i kamap, bikos ol pipel i no bihainim

kristian sindaun. We i save laik kamapim kain kain sindaun nogut olsem pamuk bisnis. Na sik Aids em i mekim save God i givim long ol pipel husat ino laik bihainim toktok bilong em.

Mista Torato i tok, God i mekim ol pipel, na gavman. Na ol lida i lukautim na mekim tasol ol wok em God i kamapim. Mista Torato wantaim famili bilong em i stap wanpela wik holide long Singapo long taim em i mekim dispela toktok. Bai ol i kam bek long PNG long 20, Janueri.

**The Coffee Market**

Sponsored by:

**CIL COFFEE INTERNATIONAL**  
PHONE 721322 | P.O. BOX 111  
TELEX 72663 | GOROKA  
FAX 722180 | PAPUA NEW GUINEA

Wik stat long: 6-1-86

Pe bilong grin bin kopi long ol stua long Lae na long ol dua bilong faktori.

Dispela mak bilong pe i kam long ol kopi kampani. Ol mak bilong pe i bilong wanwan senta insait long PNG.

Gret	Mak bilong Pe
Y _____	K2.95 inap K3.75
X _____	K3.61 inap K3.96
A _____	K3.65 inap K4.02
Robusta _____	K2.15 inap K2.20

Pe bilong old drai kopi bin long dua bilong faktori:

Kainantu _____	Nif - Quote
Goroka _____	K2.18 - K2.20
Kundiawa _____	K0.00 - K2.00
Minj/Banz _____	K1.80 - K2.20
Maun Hagen _____	K1.90 - K1.98
Mendi _____	K0.00 - K1.30
Wapenamanda _____	K0.00 - K1.55
Lae Arabic _____	K0.00 - K1.85
Robusta _____	K1.50 - K1.55
Wewak Robusta _____	K0.00 - K1.00
Madang Arabic _____	K0.00 - K1.40
Robusta _____	K0.00 - K1.20



# Tovue bai rausim ol trabelman insait long Is Nu Briten



● Ol meri Tolai i salim kumu long Rabaul maket.



● Primia bilong Is Nu Briten Ronald Tovue.

OL PIPEL bilong Hailans na Momase rijon husat i sindaun nating long Is Nu Briten Provins i ken redi long pasim ol kago bilong ol na stat long muvim famili bilong ol i go bek long asples bilong ol. Moa long 400 pipel na ol lida wantaim Primia bilong Is Nu Briten, Mista Ronald Tovue i bin holim wanpela kibung bilong rausim ol trabelman bilong Momase na Hailans Rijon insait

long Is Nu Briten Provins.

Mista Tovue i ting toktok bilong em long dispela kibung em i bin holim long las wik bai bringim bek gutpela sindaun long ol pipel bilong em long Rabaul taun na ol viles klostu long taun.

Primia Tovue i tokim ol pipel husat i kamap long dispela pablik kibung olsem, ol man husat i kamapim planti trabel long provins bilong Is Nu Briten em ol pipel bilong Mamose na Hailans rijon.

Primia Tovue i tok, planti bilong ol dispela trabelman bilong ol arapela provins i no gat rait long sindaun long graun bilong ol pipel na gavman bilong Is Nu Briten Provins.

Em i tok *Wantok Niuspepa* olsem "Mipela laik lukautim rait bilong ol pipel bilong asples long graun bilong ol. Mipela no laikim husat man i sindaun nating long graun bilong mipela. Na mipela i gat lo long rausim ol dispela kain setelmen pipel long provins bilong mipela."

Primia Tovue i kamapim tupela komiti

long lukluk insait long "Seksan 113 land Act". Dispela ekt i tok olsem, "husat man-meri i sindaun nating long graun bilong asples o gavman i ken klia long dispela graun (em hap tok insait long "seksan 113 land act."

Wanpela komiti bai lukluk insait long sindaun bilong ol pipel bilong arapela provins long Is Nu Briten Provins. Na narapela komiti bai lukluk long wok bilong ranim gut ol maket long Rabaul Taun.

Primia Tovue yet i siaman bilong namba wan komiti bilong lukluk long ol pipel bilong arapela provins husat i sindaun nating long ol setelmen i stap long graun bilong ol pipel bilong Is Nu

Briten.

Long komiti bilong lukluk long wari na gutpela sindaun bilong ol pipel husat i kisim kaikai i go long maket, i gat 9-pela komiti memba, wankain olsem namba bilong ol memba long namba wan komiti.

Mista Tovue i tok olsem, "Mipela i kamapim dispela namba tu komiti bilong lukluk long maket bilong mipela bikos i no long taim i go pinis, planti trabel tru i bin kamap long maket namel long ol ausait pipel na ol pipel bilong Is Nu Briten."

Mista Luke Longposael i makim Is Nu Briten Provinsal Gavman na em i hetman bilong dispela namba tu komiti.



● I gat planti ol pipel bilong Momase na Hailans husat i gat liklik bisnis bilong ol insait long Rabaul taun.

## i kam long pes 2

Mare nau long tokaut ol pipel bilong Morobe Provins olsem em i sanap wantaim wanem pati.

Mista Samana i tok olsem em isanap olsem wanpela independen kendidet insait long ileksen. Orait bihain em i bin joinim ol Pangu long traim na kamap hetman insait long Morobe Provins tasol i no bin kamap.

Mista Samana i tok

olsem Gavman bilong Morobe em i koalisen namel long Melanesien Alaiens na Pipels Progres Pati.

Tasol em tok wanem politikel pati husat i no givim sapot i go long Morobe Provins bai i no inap long kisim sapot bilong MIG.

Em tok ol pipel bilong Morobe i save pinis olsem Morobe Independens Grup i sanap long helpim ol. Tasol em tok Mista Mare em i paul olgeta.

## Spesel ya bilong ol PNG Lutheran i stat nau

sampela lida bilong sampela wok, baibel stadi na lotu. Na bai ol i toktok tu long ol plen bilong sios insait long PNG bikos dispela ya 1986 em i makim 100 ya bilong Lutheran sios insait long kantri.

I gat moa long 300 pipel i kam long dispela kibung em "Yumi kamap haus tru bilong God".

Bishop Getake Gam bilong sios i tok olsem, "Bai mipela i skelimen sindaun na wok bilong mipela wantaim ol arapela grup na pasim tok long wanem samting bai kamap long bihain taim. Na bai mipela i lukluk tu

long spesel wok pren i stap namel long sios hia na long Jemani."

Insait long dispela kibung tu bai Lutheran sios i toktok long muvim hetkota bilong ol i go long nupela hap, kirapim wanpela musiem, statim wanpela koles o senia haikul na tu long kamapim wanpela nupela distrik long Karkar Ailan.


Bai ol i stretim tu ol plen bilong bikpela selebren bilong makim 100 ya bilong Lutheran Sios long PNG. Dispela selebren bai kamap long mun Julai long dispela ya.

Lutheran sios i tingt-

ing long muvim hetkota bilong sios i go long Voco Poin long Lae. Na bai ol i kirapim tu wanpela musium we i gat stori bilong sios i kamap lomng PNG.

Taim bilong bisop, namba tu bisop na seketeri bilong sios tu bai pinis nau olsem na insait long dispela kibung bai ol i makim ol nupela man long kisim ples.

Bai i gat wanpela spesel lotu i kamap long 19 Januari long ples we Senior Flierl i bin kamap long Simbang long ya 1886. Bai dispela spesel lotu i kamap long Simbang Memorial sios.



● Bisop Getake Gam.

BIKPELA KIBUNG bilong Evangelikel Lutheran Sios bilong PNG i stat pinis long Finsafen, Morobe Provins. Dispela kibung i kirap long 14 Januari

na bai pinis long 21 Januari.

Insait long dispela kibung bai ol bikman bilong sios i toktok long ol senis bai kamap insait long sios, makim ol nupela lida bilong



**Raun tasol**  
**Malolo long**

## PAPUA HOTEL

- Kala TV, Tollet na Shower, Air-con na telepon long olgeta rum tu.
- Disko Bar na Nait Klap na Kalkal na Haus Dring.
- Lukim biknem Bulolo Ba
- Liklik pe — Bet na Brekfas

**PAPUA HOTEL**  
(Lessee Suckling Enterprises Pty Ltd)  
**Telepon: 21 2622 na mekim buking**



# Kampani i welkam long Ombudsman i sekap

**Felix Ramram i raitim**

OL BOSMAN bilong Vanimo Timba kampani i tok olsem ol i welkam tasol long Ombudsman Komisin i mekim wok painimaut long ol wok bilong kampani. Dispela toktok bilong kampani i bin kamap bihain long ol yunivesiti studen bilong Wes Sepik i mekim wanpela bikpela bung na singaut

long Ombudsmen Komisin i mas sekap long wok bilong Vanimo Timba Kampani. Dispela bikpela kibung em ol studen i bin go pas long en i bin kamap long 28 Desemba long Vanimo taun. I bin i gat moa long 300 manmeri i kamap long dispela bikpela bung.

Jeneral menesa bilong Vanimo Fores Prodaks, Mista Kevin Donahoe i tok olsem em i welkam tasol long Ombudsmen Komisin i mekim wok long sekap long kampani bikos ol i no gat wanpela samting long haitim. Mista Donahoe i tok olsem kampani bilong em i wok samting olsem 7-pela yia pinis long Wes Sepik Provins tasol ol i no bin painim wanpela kain hevi olsem i kam inap nau.

Em i tok olsem nau i gat planti paul toktok i kamap long kampani bilong em. Mista Donahoe i tok i luk olsem sampela liklik lain tasol i wok long mekim ol dispela kain toktok long bagarapim nem bilong kampani na tu long kamapim nem bilong ol yet.

Insait long dispela bung ol studen i tok olsem bai ol i salim pas i go long Minista bilong Fores, Ted Diro na askim em long pasim wok bilong timba kampani inap long taim Ombudsmen Komisin i pinisim ol wok painimaut bilong en.

Lida bilong ol dispela studen, Mista

John Tekwie i tokim *Wantok Niuspepa* olsem em i no lukim wanpela samting i stapim ol bikman bilong timba kampani long kamap long dispela kibung na tokim ol pipel long wanem samting kampani i wokim. Em i tok olsem ol studen i bin salim pas i go long kampani na tok save long dispela bikpela kibung em bai kamap long 28 Desemba. Na ol i tok save tu long wanem ol bikpela hevi ol pipel i gat.

Mista Tekwie i tok olsem long taim ol bikman bilong kampani na ol lida bilong provins i no kamap long dispela kibung, em i soim tru ol pipel olsem i gat sampela samting i no stret i stap namel long kampani na gavman na ol i wok long haitim ol dispela samting.

Tasol Primia bilong Sandaun, Paul Langro i tok olsem em i no amamas tumas long dispela bung na wanem ol samting ol i bin toktok long en. Em i tok tu olsem, seketeri bilong provins, Leo Saulep tu i no bin kisim tok save olsem bai em i mas kamap na givim sampela toktok long makim gavman bilong Sandaun.

Mista Langro na Mista Donahoe i tok olsem dua bilong tupela i op tasol long husat man o ol dispela studen long kamap na lukim ol long wanem kain wari ol i gat.

**i kam long pes 2**

plis long telepon namba 22 6315 bilong kisim helpim.

Plis long Mosbi i holim pas na sasim wanpela yut long Gorobe Setelmen, Badili bihain long em i bin bagarapim wanpela meri long Sande nait.


Plis i bin mekim dispela sas bihain long taim ol i bin mekim wanpela spesel operesen. Plis i painimaut tupela arapela man husat i i bin mekim dispela trabel olsem na ol i wok painim ol yet.

Plis tu long Mosbi i bin holim pas pinis na sasim wanpela boi

bihain long taim em i bin brukim Kapentas Stua long mun Desemba na stilim ol samting. Dispela manki i bilong ples Tubusereia viles.

Long Badili Plis i holim pas na sasim wanpela man bihain long taim em i bin haitim wanpela sot gan na narapela samting bilong pait.

Long Sande Plis i holim pas wanpela man husat i bin yusim wanpela haus bilong mekim pamuk pasin long en long Boroko, Mosbi. Tupela arapela meri husat i bin wok long lukautim haus tu i stap aninit long sas tu.



• Sip i redi long karim timba long Vanimo i go long Darwin, Australia.



## Meridien Motors

PORT MORESBY 252477 LAE 422869

Long dispela wik bokis ais bilong mi i no wok, piksa masin long televisen bilong mi i bagarap na mekanik i tok ka bilong mi i mas kisim sevis



Olsem na mi laik ranawe long ol dispela wari



na mi go painim pls long solwara



Long dispela taim i luk olsem bal yumi no inap bilip long oigeta kain samting. Ol samting mi balm i save bruk nabaut.




Ol liklik samting.



Ol bikpela samting.



Dispela i mekim yu tingting bek long long kain samting i kamap long



kain save bilong ranim bot long gut taim.



Olsem na mi balm dispela Mariner Autbot moto.



Em bal stap gut oltaim. Na ensin bilong en i kirap kwiktaim.



Sapos ol narapela samting i no wok gut, bal mi strong yet long dispela Mariner bilong mi.



**MARINER**  
BETTER IN THE LONG RUN.



# Aruru Matiabe i luksave bipo yet

LONG TAIM Aruru Matiabe i bin kamap memba bilong Koroba/Lek Kopiago long 1982, em i no bin kirap nogut. Na tu em i no amamas nogut tru long dispela win bilong em.

Na long dispela yia tu long taim Praim Minista Wingti i bin makim em i kamap Minista bilong Edukesen, Aruru Matiabe i no kirap nogut tumas.

Em i tok olsem em i save dispela samting bai kamap bikos em i bin "lukim" long taim em i bin wanpela skul manki long gret 4 yet.

Mista Matiabe i tok olsem long taim em i liklik yet em i save ol dispela samting bai kamap. Tasol em i no sindaun nating, em tu i bin wok hat long kamapim dispela sam-

ing em i bin "lukim" long taim em i bin stap long gret 4.

Na nau Aruru Matiabe i wanpela memba bilong Palamen husat i no save opim maus nating. Em i save toktok tasol long taim em i lukim olsem i gat gutpela as long opim maus bilong em insait long kibung bilong Palamen.

I no gat man insait long famili bilong em i go insait long wok politik bipo. Tasol Aruru Matiabe i tingting long kamap wanpela man i gat namba.

Em i bin wanpela tisa bilong politik long Yunivesiti long Mosbi na nau em i memba bilong Nesenel Palamen.

Mista Matiabe i bin tisa long Politik insait long Yunivesiti na em i tingting long go insait long wok politik. Em i tok olsem tingting bilong em long kamap wanpela politik man bai inap long helpim ol pipel bilong em.

Na nau em i bosim wok bilong edukesen insait long PNG, Mista Matiabe i statim program bilong skelim na stretim wanem samting i bringim wok edukesen i kam daun insait long kantri.

Mista Matiabe i no save dringim olstrongpela dring na em i wanpela strongpela kristen man.

Em i bin pinisim praimer skul long Guala Praimeri skul

long hap bilong Koroba insait long Saten Hailans Provins. Ol lain bilong Mission in Many Lands Bertheren i bin kirapim dispela skul long dispela eria.

Mista Matiabe i tok olsem em long dispela taim tu ol kiap i kamapim strong wok bilong ol long ples bilong em.

Long 1969 i go inap long 1973, Mista Matiabe i bin go skul long Awaba Haikul long Westen Provins.

Na em long dispela taim nau tingting bilong em long go insait long wok politik i bin kamap strong.

Long yia 1974, Mista Matiabe i bin go stadi long Yunivesiti


bilong PNG long Mosbi. Orait long 1977 em i bin greduet na kisim digri bilong em long Ats.

Long 1977 em i bin resis long nesenel ileksen long sia bilong Koroba/Lek Kopiago tasol Paielo Elo i winim dispela sia. Em i traimgen long 1978 long taim i bin gat wanpela bai ileksen tasol em i lus gen.

Mista Matiabe i tok em i no wari tumas long taim em i bin lus bikos em i namba wan taim nau em i kamap long ai bilong ol lain pipel bilong em. Na em i tok tu olsem em i amamas tasol long resis wantaim ol bikman olsem Andrew Wabiria.

Bihain long taim Aruru Matiabe i lus long ileksen, em i bin aplai long wok wantaim Institut ov Aplaid Sosal Ekonmik Rises (IASER). Em i kisim wok long hap na em i bin mekim wok bilong reses opisa long IASER inap long 6-pela mun olgeta.

Long 1979 i go inap long 1980 em i bin go bek gen long Politik Dipatmen long Yunivesiti long Mosbi we em i bin wanpela tisa.



Aruru Matiabe memba bilong Koroba/Lek Kopiago na Minista bilong Edukesen.

Orait long yia 1981 em i bin winim wanpela skolasip i kam long Australia Developmen Asisten Buro long go stadi long Australia Nesenel Yunivesiti, Kanbera inap tupela yia.

Tasol Aruru Matiabe i no bin pinisim dispela tupela yia stadi bilong em long Australia. Ol pren bilong em long PNG i bin salim pas i go long em na askim em long sanap

long 1982 ileksen.

Em nau Aruru Matiabe i kam bek long ples na em i kempein strong long sia bilong Koroba/Lek Kopiago na em i winim dispela sia long Paielo Elo long 1982.

Insait long kempein bilong em long dispela ileksen, Aruru Matiabe i strong long givim skul i go long ol pipel bilong em long tripela kain gavman nau i stap insait long PNG.

## Iokea na Lavare i gat

### ambulens nau

OL PIPEL bilong Iokea na Lavare viles long Kerema, Galp Provins bai kisim smatpela helt sevis i kam long Iokea Rural Helt Senta long dispela yia na planti yia bihain.

Dispela sevis bai kam long nupela komuniti presen em ol i kisim long Krismas de long las yia. Dispela presen em i wanpela 15-sita bas bilong kamap ambulens bilong helt senta. Ol pipel yet i bungim K8,700 na baim dispela bas long Boroko Motos Kampani long Mosbi.

Long bikmoning bilong Krismas de stret, dispela ambulens i lusim Mosbi na kamap long Iokea viles. Long taim em i ran i go insait long "Yorks Siti" belo na sairen bilong en i kra. Dispela meknais i kirapim olgeta manmeri na pikinini. (Yorks siti em i stail giaman nem bilong Iokea viles).

Bihain long taim ambulens i soim pes, i gat bikpela lotu sevis bilong Krismas de i kamap long 8 klok moning. Na bihain long lotu, pasta bilong Yunaitet Sios, Reveren Evera Meakoro i mekim amamas prea na givim dispela ambulens i go long wok bilong helt. Na em i tokaut long nupela nem bilong dispela bas, em Holmes Ambulens.

Bikpela amamas na meknais i kamap long ples long dispela taim. Ol pipel i kirapim singsing tumbuna. Na ol i mekim kamap lotu singsing bilong ol profet. Na olgeta manmeri wantaim pikinini i sindaun bung long kaikai na autim tok amamas long dis-

pela nupela presen.

Long apinun, ambulens i ran na kamap long Iokea Rural Helt Senta na i go kamap long Lavare viles. Ol pipel i bilip bai dispela ambulens i sambai long helpim planti manmeri na pikinini bilong Iokea, Lavare na arapela ples i stap klostu long helt senta.

Namba wan wok redi bilong kisim dispela presen i stat long yia, 1984. Long dispela taim Helikopta na Tamate Wanpisin Grup long Mosbi i bungim tingting long bringim helpim i go bek long asples. Ol pipel bilong dispela tupela grup i bilong Iokea na Lavare viles. Na dispela grup bilong ol i gat lain memba husat i gat 30 krismas o moa.

Dispela tupela grup i luksave long kain hevi bilong kisim ka na bringim ol sikmanmeri bilong asples i go long Iokea Helt Senta. Ol i wari, bikos lain wanpisin long asples i painim dispela hevi. Olsem na ol autim hap mani long potnait pe na putim i go long pasbuk akaun.

Dispela tupela grup i bung wantaim long dispela wok helpim na yusim wanpela nem — Helitama Bisnis Grup — long Mosbi. Ol i salim askim i go long ol bisnis haus insait long Mosbi na Kerema long givim han tu. Ol i askim ol lida bilong Galp Provinsal Gavman long sampela helpim bilong dispela liklik projek.

Long stat bilong las yia, dispela projek i kisim K500 helpim mani i kam long Galp

provinsal gavman na K2,000 i kam long Palamen memba bilong Galp, Mista Tony Farapo. Hap mani i bin kam long Iokea viles pipel husat i go soim tumbuna singsing na pasin bilong wokim saksak insait long Mosbi namel long Jun, las yia.

Dispela wok bung bilong helpim projek i painim moa long K8,000. Ol pipel i kisim gutpela helpim long Helitama grup long baim dispela 15-sita bas namel long Desemba las yia. Ol memba bilong dispela grup i amamas tru long givim han na bringim senis long asples.

Olgeta manmeri husat i givim han long dispela projek i bin kamap long bikpela bung long Iokea viles. Ol i amamas long lukim kaikai bilong hatwok bilong ol wanpisin. Dispela de bilong bung — 25 Desemba em i wanpela Krismas ol pipel bilong *Yorks siti* i no i nap lusim tingting long en.

Asisten seketeri bilong Helt Divisen long Galp Provins, Mista Luke Furigi i autim tok klia i go long pipel insait long dispela Krismas bung. Em i tok bai divisen bilong em i lukautim dispela ambulens. Tasol em i laikim ol pipel i yusim dispela ambulens long helpim ol sik pipel tasol.

Mista Furigi i tok em bai kisim wanpela tu-we redio masin na putim insait long Ambulens. Na ol bai lusim mani long putim bet na arapela samting bilong helpim sik pipel insait long ambulens

tu. Na draiva bilong ambulens i ken yusim redio long singautim ol arapela ambulens, Kerema Haus Sik na arapela rural helt senta, sapos em i laikim helpim.

Wanpela lida bilong Iokea viles, Mista Hasu Moava i tenkyu long ol memba bilong Helitama grup bilong Mosbi siti. Em i tok dispela wok bung bilong ol long baim dispela ambulens i wankain tru long wok bung i save kamap long taim bilong tumbuna bipo. Na em i askim ol yangpela manmeri na ol lapun pipel bilong asples long bihainim dispela pasin long planti taim bihain.

Mista Moava i tok ol pipel bilong asples wantaim lain wanpisin long taun i ken bung wantaim long kirapim wanpela gutpela projek. Planti nupela senis i ken kamap long helpim pipel long asples, sapos ol pipel i wanbel na bungim wanpela tingting long bringim kamap dispela senis. Dispela kain tingting bilong kamapim senis long asples bai helpim long kisim bek ol wanpisin long taun eria i go bek long asples.

Nupela Primia bilong Galp Provins, Mista Francis Malaisa i tokaut olsem gavman bilong em i gat strongpela tingting long helpim grasrut pipel bilong asples. Tasol gavman bilong em bai givim han long pipel husat i laik kirap ol projek long strong bilong ol yet.

Primia wantaim ol nupela minista long kabinet bilong em i sindaun long dispela bung tu.



## Hagen Park Motel

**I gat 30 Rum Long Maun Hagen**

- Em i no stap longwe long ol stua
- I gat maket i stap klostu
- I gat ples pilai i stap klostu
- I gat satelait televisen
- I gat pikap ka i sambai long ples balus

**Yu Ken Aplai Long Kisim Spesel Pe Bilong Yusim Motel.**

**MOUNT HAGEN 52 1388**

CABLES: HAPARK.  
P.O. BOX 81, MT. HAGEN  
TELEX: 52056 HGNPARK




**Ol ka na bilong ya**

**Insait**

• Liklik kampani i winim 10-pela yia - pes 10 na 11.

• Ol pipel i laikim smatpela sevis - pes 13.



Tau Seng na Pangip Geweva i helpim ol kastama husat i kam long baim sampela samting bilong ka.

Tupela selsman insait long Mosbi Auto pats sevis. Lep, Tau Seng na Pangip Geweva wantaim ol kastama.

# Ol ples bilong baim spea pat bilong ka

MOSBI AUTO Pats Sevis i save saplaim ol kain spe pat bilong olgeta kain ka. Na tu ol i save sevisim ol ka, trak na moto baik i bruk daun.

Jeneral menesa, Mista Dick Tan, i tok Auto Pats Sevis em i save mekim ol dispela wok bilong stretim ol bagarap long ensin, pentim bodi bilong ka, stretim kapa bilong

**Pauline Laki**  
i raitim

ol ka i bam, salim ol spea pat na sevisim ol ka.

Bisnis ya i bin stat 3-pela yia i go pinis, na Mista Tan i wok bung wantaim Mista Thamek Geweva bilong Buang long Morobe Provins.

Het opis bilong Mosbi Auto Pats i stap long 4-mail

insait long siti yet. Na spea pat na wok-sap bilong en i stap long Gabaka strit long Hohola.

I gat 11-pela Papua Niugini wokman na wanpela ovasis man husat i woksap menesa. Bikpela pikinini bilong Mista Geweva, Pangip i bin wok selsman stat

long taim papa bilong em i sanapim bisnis ya i kam inap nau.

Mista Tan i tok, ol spea pats oda bilong ol i save kam yet long Japan, Singapo na Hongkong. Ol i save wet inap 2-pela mun bihain na ol oda bilong ol save kama long sip.

Mista Tan i tok em i wanpela isis we na i no dia tumas. Tasol sampela taim ol kastama i laikim tru wanpela samting, na i no gat taim long wet bai Mista Tan i ring tasol long telepon i go long ol bisnis poroman/bilong ol long 3-pela kantri ya. Na kwiktaim ol i save

putim ol spea pat long balus.

Dispela rot i dia. Tasol i gat profit i kamap bihain long taim ol i salim dispela spea pat long ol kastama.

Mista Tan i tokaut olsem i tru i gat planti resis i kamap long ol kain bisnis

olsem. Tasol bikpela samting, em ol i mas i gat inap "stok" na pe bilong ol samting i mas wankain long ol arapela bikpela moto kampani.

I gat gutpela pe long ol liklik bisnis olsem Mosbi Auto Pats Sevis bikos ol bikpela kampani, i gat ol standed pe na i dia tumas. Na i nogat dinau bisnis long ol tu.

**OL WOKIM MAKIM PAPUA NIUGINI KONDISEN.**

**Johnson**

## HEVI DIUTI KOMESOL AUTBODS

**NAMBA WAN PRAIS TRU**

**14 HP K730**

**25 HP K880**

**WANTAIM MINIMUM TRED IN LONG K100 LONG ENI OLPELA AUTBOD.**

**FREIT AUTSAIT PORT MORESBY BAI IGAT EKSTRA COS.**

**Steamships - MACHINERY**

Sole agent

HEB 32782



# Ol ka na mota bilong yu

## Putim ol kastama long baksait

OL MANMERI i save kisim bas na ol arapela pablik transpot i go long wok o i go raun tasol i save tingting tumas long kalap long sampela bilong ol dispela pablik transpot. Hia long Mosbi siti i luk olsem ol draiva bilong ol PMV i save tingting tasol long kisim mani na ol i no tingting tumas long ol kastama.

Ol kastama bilong ol PMV em ol manmeri husat i save tromoi mani long ran long ol PMV. Olsem na ol i laikim gutpela sevis i mas kam long draiva bilong bas.

Sampela bas draiva i save spit tumas long taim bas i pulap tru long ol manmeri. Em i tru i gat planti arapela bas insait long taun na ol bas draiva i save resis long winim moa mani long wan wan de. Tasol ol i mas tingim tu olsem long dispela sotpela taim husat pasindia i kalap long

wanpela bas, em nau laip bilong em i stap long han bilong dispela draiva inap pasindia i go daun long wanem hap em i laik go long en.

Insait long siti ol pasindia i laki bikos i gat planti ka na i tru ol draiva i save spitim bas tasol i kam inap nau i no gat planti birua tumas i save kamap we ol pasindia i dai bihain long bas i bam.

Tasol ausait long ol haiwe i gat planti birua i kamap long rot we ol PMV i save bam na ol pasindia i dai. Planti bilong ol dispela asua i save kamap bikos ol draiva bilong PMV i save spit tumas na long taim ol i laik slo daun em asua i save kamap na birua i kamap wantaim.

I gat tu lo bilong trefik i tok save long hamas pasindia na ol bikpela lot em ol trak na PMV bas inap long karim. Sampela ol draiva husat i stretpela

man na i no guria long mani bai bihainim stret lo. Tasol sampela i save mekim nating na ol pasindia i no gat spes long sindaun gut olsem na long taim bilong liklik asua ol inap long painim birua na kisim bagarap o dai olgeta.

Insait long ol PMV bas na trak tu i save mekim planti pasindia i komplein na tok ating papa bilong trak o bas i manipes olsem na em i no tingting long stretim gut insait long bas o trak bilong em.

Ol PMV bas insait long siti i no gat gutpela as long draivim bas em plua bilong ol o ol sit bilong pasindia i doti nabaut.

Tasol dispela asua bilong ol doti bas o trak em i no stap long han bilong ol papa bilong PMV tasol, nogat. Ol pasindia tu em sampela taim ol i save mekim bikpela asua tru long rait nabaut o katim ol sia bilong ol bas.



**SAVE K1800**



**SAVE K2500**



**SAVE K2000**

BM BM BM BM BM BM BM

10 SEAT C20 BUS  
Reg AIA 790  
For the village man

BM BM BM BM BM BM BM

BM BM BM BM BM BM BM

DEMO D21 DOUBLE CAB  
Reg AHA 703  
Choice Petrol Diesel

BM BM BM BM BM BM BM

BM BM BM BM BM BM BM

NISSAN SUNNY  
Most appealing unit in town. Aircon, mags, stereo etc, etc, etc. Was K11,999 — NOW K9,999.

**DEALS FOR THE NATION**  
**BUY NOW**  
**SAVE UP TO K5000**




**SAVE K4000**

BM BM BM BM BM BM BM

NISSAN LAUREL DEMO  
Reg AHA 405  
For the man about town

BM BM BM BM BM BM BM



**SAVE K4800**

BM BM BM BM BM BM BM

SUPERCEDED 720  
4 x 4 COFFEE BODY  
Reg AEZ 976  
This ones a never to be repeated special retail 12900  
TODAY K8100

BM BM BM BM BM BM BM




**SAVE K2000**

BM BM BM BM BM BM BM

DEMO D21 KING CAB  
Reg AIA 748  
This one has big savings

BM BM BM BM BM BM BM

## MARINER OUTBOARDS



**BETTER IN THE LONG RUN!**

Available from...

### Meridien Motors

PORT MORESBY 252477 LAE 422869

and dealers

- Daru Trading — Daru — 65 9141
- Rookes Outboard Repairs — Madang — 82 2325
- Sepik Cocoa Grower — Wewak — 86 2460
- Arawa Enterprises Ltd — Arawa — 95 1277
- Welding Service — Kavieng — 94 2114
- R.L. & V.Z. Knight — Lorengau — 40 9159

**BOROKO MOTORS 42 1144 LAE**



# ELA MOTORS

## QUALITY USED CARS

# LAE



**K3999**

SUBARU SEDAN 1800CC 4WD, 18mths old, good condition, reg ADU 445.



**K4700**

TOYOTA DYNA DUMP TRUCK, reg AEG 255



**K5780**

TOYOTA L/C FJ60, tidy unit, air condition, power steer, reg ADG 430.



**K9500**

LANDCRUISER WAGON, top condition, 2 years old, power winch, air condition, mag wheels, reg ADR 140.

**UNDER K5000**

**UNDER K4000**

MAZDA UTE B1600, 30,000km, reg AEV 401. **K4999**  
TOYOTA DYNA LWB DIESEL, reg ADO 935. **K4500**

TOYOTA HILUX DOUBLE CAB, reg ADM 012. **K3900**  
TOYOTA L/C C/TRAY, reg AEJ 480. **K3990**

**UNDER K3000**

MAZDA SEDAN 626, reg ABT 359. **K2999**  
MAZDA E2700 DIESEL TRUCK **K1500**  
SUZUKI HARDTOP 4WD, reg ADU 460. **K2999**


**This week's BARGAIN BUY!**



**K400**

DATSUN, 2 DOOR SEDAN, 10 months reg, reg AAL 912.

**Star Car**  
**K10,900**



CRESSIDA, as new 1700km, reg AEW 323

**Have we got a deal for you!  
Come and see us today.**

**ELA MOTORS** Quality USED CARS

ELA MOTORS USED CARS  
MALAITA STREET  
MARKET  
AIR CORPS RD

MILFORDHAVEN RD

PHONE WILLIE or HAROLD

**42 2663**

**Ol ka na mota bilong yu**

# Liklik i winim pinis

ALFRED KANINIBA i raitim

B&G Engineering kampani em i wanpela liklik kampani husat i save mekim ol wok bilong em insait long Mosbi siti.

Planti ol papa bilong ol ka na bas na ol arapela kain masin ating i paul long dispela nem B&G Engineering, bikos ol i no save harim planti taim. Em i tru tu bikos bipo ol i bin gat nem Jamieson Engineering.

Dispela kampani i bin stat long 1972 na i no gat planti man i bin wok long disela kampani.

I bin gat tupela menesa i bin stap lukautim dispela woksap i kam inap Novemba 1982. Orait i bin gat nupela menesa i bin kam lukautim dispela woksap long Novemba 1982. Nem bilong dispela menesa em Mista Merve Penney husat i kam long Nu Silan.

Mista Penney em i no man nating. Em i bin wok long Nu Silan na i kam long Papua Niugini. Em i wok 25 yia long dispela wok bilong mekenik.

Dispela kampani B&G Ensiniaring i save fiksime ol ensin bilong ol ka na trak na

tu ol arapela kain masin nabaut.

Insait long dispela kampani i gat tripela seksen. Long namba wan seksen ol i kolim auto ripea seksen ol meknik i save fiksime ol ka i gat sik ol waia bilong ol i paul o i lus na o lait bilong ol i no wok.

Ol i ken fiksime tu ol arapela kain kain waia bilong ol kain otametik ka. Long dispela seksen i gat wanpela ovasis man i bos na i gat wanpela aprentis i wok aninit long em.

Long namba tu seksen ol i save fiksime ol ensin bilong ol ka na trak.

Long dispela seksen Mooa Kaika husat i bilong Kerema insait long Galp Provins het mekenik.

Kaika i bin stat wok mekenik long taim em i bin pinisim skul long gret 8 long taim em i bin stat em i bin wok wantaim wanpela kampani ol i kolim Tutt Bryant inap 7-pela yia. Orait bihain long dispela em i bin go wok long B&G Ensiniaring long 1975 na i winim pinis 10-pela yia

long wok wantaim kampani ya.

Kaika inap long fiksime tripela o 4-pela ka insait long wanpela wik.


Em i no man nating bikos em i bin wok mekenik inap 17 yia olgeta. Olsem na long taim em i harim krai bilong ensin bilong ka o trak em i save pinis wanem samting i rong na em i ken fiksime.

I gat wanpela liklik manki husat i wok aprentis wantaim kaika nau. Na kaikai i save skulim em long wok wantaim ensin bilong ol ka. Kaikai i ken mekim wok bilong ovahol o klinim wanpela ensin insait long tupela awa.

Namba tri seksen bilong B&G Ensiniaring em i bilong Penel biting. Long dispela seksen i gat 6-pela man i save wok.

Long dispela seksen ol ka o trak o bas i bam na bagarap bodi bilong ol i save go na ol wokman i ken stretim bodi bilong ol na i kamap olsem nupela gen.

Tasol B&G Ensiniaring kampani i gat





**Ol ka na mota bilong yu**

**kampani**

**10-pela yia**



*Menesa bilong B.G. Engineering Mista Merve Penney. Em i wok mekenik inap 25 yia. Em i bilong Nu Silan na i bin kam long Mosbi long 1982 long ranim dispela bisnis.*

wanpela kain masin ol i bin kisim i kam long Australia. Em i wanpela kampani tasol insait long Mosbi na Papua Niugini husat i gat dispela masin bilong stretim sais o bodi bilong ka o bas o ol kain kain ka.

Sapos ka o trak o bas

i bam bai dispela masin inap long pulim aut dispela hap i bin bam na ol penal bita i ken stretim gen.

Menesa bilong kampani Mista Penney i tok olsem dispela kampani em i stap long wanpela hap we planti ol man i no save long

en. Dispela em long Ponciana strit bihain long Wespac Beng long Waigani.


Mista Penney i tok olsem i gat bikpela kompetisen wantaim ol arapela bikpela woksap insait long Mosbi. Tasol em i tok kos bilong ol wok long kampani bilong em i no dia na pe bilong ol wok em ol i mekim i stap daunbilo tasol.

Dudley Talom husat i kam long Bogaboga viles long Kep Vogel Milen Be Provins i wok 10-pela yia nau wantaim B&G ensingiaring kampani.

Talom i bin wok long wanpela sip tasol em i bin les long dispela wok na i bin kam na joinim dispela kampani.

Em i bin lusim skul long taim em i stap yet long praimer skul. Tasol em i bin givim tasol long wok na lainim ol samting long taim em i bin wok.

Talom i wanpela welda na panel bita. Na em i tok em inap long pinisim penel biting bilong wanpela ka insait long wan na hap de. Insait long wanpela wik ol inap long pinisim tripela o 4-pela ka.



*(Antap) Wanpela penal bita Moi i bin wok wantaim dispela kampani inap 4-pela yia. Tasol em i wok panel bita inap 10-pela yia nau.*

*(Lepan) Mooa Kaika husat i mekenik bilong kampani i wok long piksim wanpela ensin i stap. Kaika i bilong Kerema bilong Galp Provins na em i bin wok mekenik inap 17 yia nau.*

**LAE CAR WRECKERS**



**SPARE PARTS  
FOR MOST VEHICLES AT  
KESCO GEDEC CRESENT OMILI  
PO BOX 310 LAE  
Phone 42 4777 or 42 4969**

# SALE

## MASSIVE REDUCTIONS

### ★ SPECIALS THIS WEEK ★

**MAZDA 929 SPORTS COUPES** choice of 2 one-owner units in excellent condition. They have Power Steering, Electrical windows, Air conditioning, Radio/Cassette, Cruise Control, 4 wheel disc brakes and both have covered only low kms. **Replacement cost** is over **K21000 each.**

**OUR SPECIAL PRICE IS K7990**

**MAZDA 626 GLX SPORTS HATCHBACK**, current model, very low kms. It comes with Power Steering, Electric windows & mirrors, Air conditioning, Radio/Cassette. This vehicle was owned by a well known Lae businessman and is presented in showroom condition. **Replacement cost** is over **K19000.**

**OUR SPECIAL PRICE IS K8990**

### PASSENGER VEHICLES

MAZDA 626 GLX, air conditioned, one owner	<b>K4500</b>
MAZDA 929 S/WAGON, air conditioned, stereo, one owner	<b>K3500</b>
MAZDA 323 5 DOOR SEDAN, one careful owner	<b>K3500</b>
MAZDA 323 S/WAGON, good value at only	<b>K2990</b>
MAZDA 929 LTD, one owner, all options fitted	<b>K6800</b>
MAZDA 929 LTD Hardtop, every extra, 1 owner	<b>K8990</b>
DATSUN BLUEBIRD S/WAGON, super value at	<b>K3990</b>
COLT MIRAGE, with economy drive gearbox	<b>K2900</b>
DATSUN 160J SEDAN, air conditioned, mags, like new	<b>K4950</b>
MERCEDES BENZ 230 SALOON, air conditioned, all extras	<b>K5990</b>

### COMMERCIAL VEHICLES

MAZDA T3000 LWB TRUCK, wide cab, excellent	<b>K4950</b>
MAZDA E2200 DIESEL Flat deck light truck	<b>K3000</b>
MAZDA E2000 TRUCK, 1985 model "As New"	<b>K4500</b>
MAZDA B1600 UTE, one owner, super value	<b>K3500</b>
DYNA LWB DIESEL TRUCK, super condition	<b>K3900</b>
DYNA SWB DIESEL TRUCK, one company owner	<b>K2990</b>
DYNA SWB DIESEL TRUCK, goes OK	<b>K 900</b>
MITSUBISHI CANTER, wide cab LWB, super value	<b>K3000</b>
MITSUBISHI CANTER LWB, DIESEL, good value	<b>K1500</b>
DAIHATSU DELTA, wide cab LWB, current shape	<b>K3000</b>
FORD TRADER LWB, current model, super value	<b>K4990</b>
FORD COURIER UTE, 1985 model 4000kms like new	<b>K5200</b>

### FOUR WHEEL DRIVE VEHICLES

NISSAN 720 DOUBLE-CAB, excellent value	<b>K3800</b>
NISSAN PATROL SWB S/WAGON, goes well, current shape	<b>K3500</b>
JEEP CHEROKEE, 1 owner, low kms, plenty of extras	<b>K4990</b>
LANDCRUISER HJ60 WAGON, excellent value	<b>K6500</b>
LANDCRUISER NODDY WAGON, mags etc.	<b>K1950</b>
PAJERO DIESEL WAGON, new engine	<b>K8990</b>
ISUZU KB DIESEL UTES, 2 units priced from	<b>K2850</b>
LANDROVER LWB S/WAGON, super value	<b>K1200</b>
LANDROVER SERIES III WAGON, winch etc	<b>K1500</b>

\* ALL VEHICLES HAVE WARRANTY \* TRADES WELCOMED \* FINANCE AVAILABLE



**PNG MOTORS**

**HUON ROAD LAE**

**PHONE: 42 4733**



**MAZDA**




## Bisnis grup i kisim 4-pela PMV laisens

NESENEL LAN Transpot Bot i tok orait pinis long givim 4-pela PMV laisens i go long Komaip Bisnis Grup. Dispela grup i bilong Tapini long Sentral Provins tasol nau ol i stap long 6 mail long Mosbi siti. Dispela grup i wok


long kisim sampela helpim i kam long Niugini Motas bilong ranim bisnis bilong ol. Nesenel Lan Transpot Bot i bin givim ol dispela laisens long Komaip Bisnis Grup bihain long taim Minista bilong Transpot Mista Neville Bourne i bin mekim wanpela

askim i go long ol.

Mista Bourne i bin tok olsem em bai traim na lukim olsem ol sampela liklik bisnis grup insait long Papua Niugini ples we i hat long kamapim bisnis i kisim wan kain helpim olsem Komaip Bisnis Grup.



• Neville Bourne - Minista bilong Transpot.



Long nambawan 4 stroke save man long wel, mipela givim yu niupela **HONDA** 10HP 4 STROKE autbot.

### SEKIM DISPELA SAMTING

- HEVI BILONG EM 34 Kg
- IGAT 12V. 60 WATTS SOKET BILONG GIVIM LAIT LONG NAIT.
- YUSIM BENSIN TASOL
- BENSIN EMI 70 TOEA/HR
- NOGAT NOIS TAIM EMI RON.
- IGAT SEIFTI THROTTLE.
  - ISI LONG STATIM
- NAMBAWAN SLOU NA SPID TAIM EMI RON.

Long moa toksave lukim ol lokol **HONDA** dila long hap bilong yu.

SOLE AGENTS.

**Steamships - MACHINERY**

PORT MORESBY 25 9066 LAE 43 1253 MADANG 82 2886 RABAUL 90 1290 KIETA 95 6246

## Yu yet i ken sekap long ka

OL papa bilong ol ka na trak i save pinis olsem sapos ol i laikim ka o trak bilong ol i stap gut bai ol yet i sekap long ol liklik samting olgeta de.

Namba wan samting long tingim oltaim em hamas petrol o bensin i stap insait long ka. Em isi long tingim bikos i no gat petrol bai ka i no inap long ran i go longwe.

Sekap long wara insait long redieta. Ol ka i mas gat wara long kolim ensin bilong ka. Sapos wara i pinis bai ensin i hat na ol samting i bagarap. Planti draiva i save painim dispela asua long taim ka i dai long rot na ol i go sekap na lukim olsem ensin i stat long hat nogut tru na smok i kamap.

Sekap long ol taia bilong ka. Lukim sapos i gat inap win i stap long taia o nogat. Ol ka i raun insai tlong taun na i no inap wari tumas long dispela bikos i gat ol sevis stesin i stap klostu long stretim dispela wari. Tasol ol ka i go longwe long taun i mas sekap long ol taia gut nogut wok i rong long rot na i gat ples i stap klostu long kisim helpim.

Spea taia. Planti ol ka i save raun long rot i gat 4-pela taia o inap taia tasol long ol trak o bas bilong ol. Na i no gat wanpela spea taia i stap. Sapos wanpela taia bilong ka i slek o i bruk, em nau bai ol i sotwin long painim ples bilong salim taia we ol i ken baim nupela taia bilong kisim ples bilong taia bilong ka bilong ol.


Wel na brek bilong ka. I tru long taim man i kisim ka i go long sevis ol woksap i save wekap long wel bilong ka na senisim na tu ol i save lukluk long brek fluid. Planti man i save ting olsem brek bilong ka i bagarap long taim ol i krungutim brek na ka i no stap.



• Yu yet i ken sekap long ol liklik samting insait long ka o trak bilong yu.

# SUZUKI

Bai mekim planti wok moa!  
I gat moa pawa!  
Em bai sevim bikpela mani!



Olgeta kain sais i stap


Suzuki aubot moto bai helpim yu moa i winim mak bilong mani yu baim long en. Bai yu kisim stretpela, smatpela na strongpela helpim long planti nupela samting bilong dispela moto. Askim mipela tude long painimaut moa long ol dispela moto.

stat long K220 na go antap

**LOHBERGER ENGINEERING** 21-2034 21-1614  
LAWES ROAD. BOX 810, PORT MORESBY.

SULVN 129





\* Letrikal woksap bilong Pacific Engineering i gat dispela spesel mesin bilong skru na dram bilong wil na katim tret long ol taia.



\* Mekanik bilong motoka ensin, Gaita Sorame i senisim skru na mama bilong skru long taia bilong PMV bas.

## Ol pipel i laikim gutpela smatpela sevis

PLANTI LIKLIK ka woksap kampani insait long Mosbi i resis long pulim planti kastama. Tasol wanpela woksap kampani husat i tok ol i lida tru long givim nambawan smatpela sevis long ol kastama, em i Pacific Engineering na Repair kamapni.

Woksap bilong dispela kampani i stap long Croton Strit long Hohola. Dua bilong woksap i stap long wanpela sait bilong strit na het opis bilong Wormald Sekyuriti kampani i stap long hap sait. Na ol pipel i wokabaut long dispela strit i ken lukim planti PMV bas i pulap long banis bilong Pacific Engineering na Repair kampani.

Menesa bilong dispela kampani, Mista Tai-ran Liu tok woksap bilong ol i ken mekim olgeta kain motoka sevis. I gat ol mekanik husat i save-man tru bilong fiksime bilong ol PMV bas, stretim

ensin, brek, klas, kapa, bodi bilong ka, raba taia, na wil bilong olgeta kain ka. Mista Liu i tok kampani bilong em i namba wan lida tru long woksap sevis insait long Mosbi siti. Long wanem em bisnis bilong ol i winim 8-pela yia pinis. Na i gat planti kastama i save go long woksap bilong em.

I gat tupela as bilong kastama i mangalim Pacific Engineering. Na Mista Liu i tokaut long en olsem sevis bilong ol i no dia tumas na ol i givim smatpela sevis long sotpela taim tasol. Na ekspiriens bilong dispela 8-yia sevis i mekim Pacific Engineering i winim ol arapela kampani insait long dispela bisnis tude.

I gat moa long 15 ka bilong ol kastama i go long Pacific Engineering long wan wan de. Planti bilong ol ka em ol PMV husat i save pulap long woksap long olgeta Mande, Tunde na Trinde. Na ol dispela PMV i gat komplem long planti kain bagarap i kamap long ol namel long wiken.

I gat tupela kastama i amamas tru long dispela sevis bilong Pacific Engineering. Henry Kelgai bilong Joseph Timbel Bas Sevis i tok em i save bringim 5-pela PMV bas long kisim sevis insait long woksap bilong Mista Liu. Long wanem sevis bilong ol i smat. Na sas o pe bilong sevis i no dia tumas.

# ROOKE'S OUT-BOARD REPAIRS

Specialising in all Outboard Motor repairs, aluminum and stainless steel welding.

Agents for Mariner outboard motors and 5 metre fibreglass boats

For further inquiries

**PHONE:  
82 2325**

or write to:  
P.O. Box 427, MADANG.  
located on:  
Bougainvillea Drive — Madang.

# EVINRUDE New Year Special



**25 HP EVINRUDE  
LONG SHAFT  
K895<sup>00</sup>**



**14 HP EVINRUDE  
LONG SHAFT  
K795<sup>00</sup>**

AVAILABLE FROM



PORT MORESBY ONLY  
PHONE: 25 5255  
P.O. Box 1259, BOROKO.  
WAIGANI DRIVE, OPPOSITE  
ISLANDER HOTEL

**VISIT OUR SHOWROOM  
TODAY**

Trans Melanesian Marine  
Phone: 21 3500  
under Royal Papuan  
Yacht Club



# RENEW YOUR EDUCATION

The College of External Studies . . . . .

The College is now enrolling students for 1986. We offer Grades 7,8,9 & 10 courses by correspondence as well as the Commerce Certificate. For further information and enrolment forms contact your nearest COES Provincial Centre.

## COES 1986 Calendar

JANUARY <input type="checkbox"/> 1986							FEBRUARY <input type="checkbox"/> 1986							MARCH <input type="checkbox"/> 1986							APRIL <input type="checkbox"/> 1986								
S	M	T	W	T	F	S	S	M	T	W	T	F	S	S	M	T	W	T	F	S	S	M	T	W	T	F	S		
			1	2	3	4						1				30	31												
5	6	7	8	9	10	11	2	3	4	5	6	7	8	2	3	4	5	6	7	8	6	7	8	9	10	11	12		
12	13	14	15	16	17	18	9	10	11	12	13	14	15	9	10	11	12	13	14	15	13	14	15	16	17	18	19		
19	20	21	22	23	24	25	16	17	18	19	20	21	22	16	17	18	19	20	21	22	20	21	22	23	24	25	26		
26	27	28	29	30	31	23	24	25	26	27	28	23	24	25	26	27	28	29	27	28	29	30							


  

MAY <input type="checkbox"/> 1986							JUNE <input type="checkbox"/> 1986							JULY <input type="checkbox"/> 1986							AUGUST <input type="checkbox"/> 1986						
S	M	T	W	T	F	S	S	M	T	W	T	F	S	S	M	T	W	T	F	S	S	M	T	W	T	F	S
			1	2	3	1	2	3	4	5	6	7	1	2	3	4	5	31									
4	5	6	7	8	9	10	8	9	10	11	12	13	14	6	7	8	9	10	11	12	3	4	5	6	7	8	9
11	12	13	14	15	16	17	15	16	17	18	19	20	21	13	14	15	16	17	18	19	10	11	12	13	14	15	16
18	19	20	21	22	23	24	22	23	24	25	26	27	28	20	21	22	23	24	25	26	17	18	19	20	21	22	23
25	26	27	28	29	30	31	29	30	27	28	29	30	31	24	25	26	27	28	29	30	24	25	26	27	28	29	30

SEPTEMBER <input type="checkbox"/> 1986							OCTOBER <input type="checkbox"/> 1986							NOVEMBER <input type="checkbox"/> 1986							DECEMBER <input type="checkbox"/> 1986						
S	M	T	W	T	F	S	S	M	T	W	T	F	S	S	M	T	W	T	F	S	S	M	T	W	T	F	S
1	2	3	4	5	6	1	2	3	4	30							1	2	3	4	5	6					
7	8	9	10	11	12	13	5	6	7	8	9	10	11	2	3	4	5	6	7	8	7	8	9	10	11	12	13
14	15	16	17	18	19	20	12	13	14	15	16	17	18	9	10	11	12	13	14	15	14	15	16	17	18	19	20
21	22	23	24	25	26	27	19	20	21	22	23	24	25	16	17	18	19	20	21	22	21	22	23	24	25	26	27
28	29	30	26	27	28	29	30	31	23	24	25	26	27	28	29	28	29	30	31	28	29	30	31				

### COES PROVINCIAL CENTRES






**N.B.**  
**People in Simbu Province should contact the Centre in Goroka.**  
**FEES:**  
**Secondary Courses K45.00 per subject.**  
**Commerce Certificate K60.00 per subject.**





# OL PAPA BILONG KAMPANI\*



**I amamas tru  
long kamap**

**pablisa bilong dispela tupela  
namba wan niuspepa bilong  
PNG stret.**

# TIMES

of Papua New Guinea

# Wantok

\* **Word Pablising Kampani i gat 4-pela bikpela  
Sios insait long Papua Niugini i papa long en:  
Katolik (750,000 memba) Luteran (550,000  
memba) Yunaitet (300,000 memba) na  
Anglikan (220,000 memba).**

**NA SAMTING OLSEM 6-PELA MANMERI NAMEL LONG  
10-PELA PIPEL LONG OLGETA HAP BILONG PAPUA  
NIUGINI IGAT NEM LONG DISPELA KAMPANI.**



# God blesim Bougainville; Em kamapim moa pater

## Sophie Ramram i raitim

OL pipel bilong Bougainville Ailan i amamas gen long tupela moa dikon bilong daiosis bilong ol i kamap pater dispela yia. Em i soim klia yet olsem God i blesim Bougainville.

Dispela tupela dikon i odein pater em Fr Bernard Unabali bilong Soveli Peris insait long Nagovis Eria na Fr Lawrence Same bilong Gagan Peris long hap bilong Buka Eria.

Bisop Raymond Ceasar, bisop bilong Goroka Daiosis i bin odeinim tupela insait long mun Disemba long ples bilong ol yet. Fr Bernard Unabali i bin kamap pris long namba 14 de na Fr Lawrence long namba 21 de. Em wanpela wik bihain.

Taim Fr Bernard i laik kamap pater, i bin gat gutpela oganaisesen. Ol pipel i bilasim rot stat long Panguna na i go insait long Sovele Misin Stesin.

Moa long 5 tausen pipel i bin kamap long witnessim dispela odinesen de.

Ol pipel long hap bilong Buin i go inap long Buka i bin kamap. Em wanpela sait bilong Bougainville Ailan i go long narapela sait.

Ol dispela ples i kam lukluk na putim sampela pilai na danis long amamasim de. Maski bikpela na strongpela san, ol manmeri i no wari tumas long en.

Ol pipel bilong Bernard i amamas tru long givim em i go long dispela hatpela wok. Long soim amamas, mama, susa na ol wanbisnis bilong pater i danis na i bringim Bernard olsem ofa bilong ol i go long alta long han bilong Bisop. Olsem na taim bisop i askim em, "Yu inap karim aut dispela wok olsem pris, wasman na tisa?" Fr Bernard i tok, "Wantaim help bilong God, mi inap."

Odenesin bilong Dikon Lawrence i bin narakain liklik. I bin gat bikpela ren long stat bilong misa inap long pinis bilong em. Ating dispela i gutpela moa. San i mekim skin i tait na les. Tasol sori tumas planti pipel i no kisim piksa bikos long dispela ren.

Odenesin bilong Dikon Lawrence i bin narakain liklik. I bin gat bikpela ren long stat bilong misa inap long pinis bilong em. Ating dispela i gutpela moa. San i mekim skin i tait na les. Tasol sori tumas planti pipel i no kisim piksa bikos long dispela ren.

Odenesin long taim bilong ren i no min olsem pasin na lo bilong odinim dikon bai narakain, nogat.

Taim ol wanbisnis na wanlain bilong Fr Lawrence i bringim em i go long alta long taim bilong ofa, Bisop Ceasar i kisim em long han bilong em olsem pikinini bilong em na i tok, na long dispela Lawrence i pundaun slip na i mekim sampela prea long tingting, bai God i ken helpim long wok pris.


Bisop, na olgeta pater tu i daunim het na i mekim wankain long askim God long helpim Lawrence long nupela wok bilong em.

Bihain long Fr Lawrence i tok yesa long lukautim ol pipel bilong em olsem pris, wasman na tisa, bisop i putim long em klos bilong pater. Dispela i mak em i kamap pris nau.

Fr Bernard na Lawrence, tupela i skul long Bomania long kamap Daiosisen pater.

bougainville Daiosis nau i gat 8-pela daiosisen pater. Namel long ol em Arsbisop Peter Kurongku, Bisop Gregory Singkai, Fr Ben His na Fr John Momis. Daiosis i gat tu 5-pela Maris pater.

I luk olsem wanpela moa dikon bai kamap daiosisen pater long dispela yia.




Wanpela nupela pater bilong Bougainville i bung wantaim ol wantok. Ol i tenkim God long mekim em kamap pater?

## HONDA FARM BIKES

- \* No fuel mixing required
- \* Low maintenance
- \* Top form reliability

WE HAVE ACHIEVED THE STANDARDS,  
OTHERS STRIVE TO ACHIEVE.



Available from Arawa Motors,  
your local Honda motorcycle Dealer.

## Plis ripot

■ **RABAUL:** Plis long Rabaul i mekim wok painimaut bihain long taim wanpela man i bin go insait long wanpela haus long William strit na pretim wanpela man wantaim pistol na stilim ol samting i kos moa long K600. Plis i painim pinis wanpela redio kaset pilai.

Long Rabaul tu ol plis i holim na sasim wanpela yut nem bilong em Tovue Enok bihain long taim em i bin bagarapim wanpela meri long Putanagororoi viles long Rabaul.



# Bilong wanem Wantok kamap 52 taim tasol?

Dia Edita — olsem wanem na nius bilong Wantok i save kamap 52 taim tasol long wanpela yia.

Plis inap yupela i salim tok save i kam long mi. Mi laik save olsem wanem Wantok Niuspepa i wok na bilong wanem Wantok i no kamap long wan wan de.

Mi laik save tu olsem wanem bai mi kisim dispela niuspepa. Mi save amamas na laik ritim Wantok Niuspepa. Plis inap yupela helpim mi na salim tok save i kam long mi bai mi ken lukim na bihainim?

James Ititi  
C/M Brahamen, PO Box 787,

## HARIM BEKIM

Wantok i save kamap wanpela taim long wan wik olsem na yu lukim pepa i kamap 52 taim tasol long wan wan yia.

Hia long PNG i gat tupela arapela niuspepa bilong tok Inglis em i save kamap long Mande i go inap long Fraide na Sarere. Na i gat wanpela arapela niuspepa long tok Inglis tu i save kamap wanpela taim tasol long wan wan wik.

Sapos yu laik baim Wantok Niuspepa na yu no inap long baim long ol stua i stap klostu long ples bilong yu orait lukim tok save bilong mipela i stap long pes 4. Em bai yu inap save long hamas mani yu mas salim i kam long mipela na mipela yet bai salim pepa i kam long yu. **Mi Edita.**

# Gavman bilong PNG i hangre long pawa!

Dia Edita — Mi gat bikpela belhevi tru long nupela gavman bilong Paias Wingti na Julius Chan. I gat planti toktok bilong ol. Sampela i tru na planti bilong ol dispela toktok bai i no gat kaikai tru. Em i tok politik tasol.

1. Dispela i pawa hangre na i kisim big nem. Wingti yet i stap pinis long gavman na em i bin namba tu Praim Minista long dispela taim. Tasol watpo na em i laik kamapim ol dispela aidia bilong helpim kantri? Sapos em i laik helpim tru ol pipel na kantri bilong em orait em i inap long toktok olsem long taim em i stap insait long gavman.

Maski yu memba i stap long oposisen o bekbensa o wanem kain posisen, yu ken pait strong long bringim developmen long kantri.

Mi tok olsem bikos long las raun bilong em i go long Hagen, ol i tok olsem Paias Wingti em i namba wan praim minista bilong Hailans.

Na long kisim dispela nem tasol, Mista Okuk tu i bin pait strong tasol em i lus oltaim. Sir Julius Chan tu i bin traim na em i lus. Long taim bilong gavman bilong Chan na Okuk tupela i bin salim PNG ami i go long Vanuatu na ol i kilim pikinini bilong rebel lida Jimmy Steven. Dispela man i no birua bilong yumi Na nau ol i putim Paias Wingti i pas na

grisim planti memba i go insait long sait bilong ol na Wingti i winim dispela vot i nogat bilip.

2. Boroim mani long beng long wok graun. Kamapim planti prodak long kantri. Mi sori long harim dispela toktok i kamap long maus bilong nupela Praim Minista long Madang long Sarere 21 Desemba, 1985.

a) Sapos ol man i kisim mani long beng na ol i statim bisnis i go na bisnis i pundaun bai husat tru i bekim dispela dinau bilong beng?

b) Sapos olgeta pipel long PNG i wok hat na i wok gut na kamapim moa prodaks na long ol arapela kantri long wol tu ol i kamapim wankain prodaks na salim bai ol i no inap long baim long wol maket. Na bai yumi salim ol dispela prodaks we tru? Bai yumi kisim mani we long baim ol wokman na bekim dinau bilong beng?

Long sampela taim i go pinis, PNG i bin gat liklik trabel long salim olgeta kopi bilong en. Planti pipel i painim hat tru long salim kopi bilong ol na ol i kros nabaut na rausim ol wokman na kamapim bikpela hevi namel long ol kopi growa.

Peter Matbob  
Jomba Dem. Skul, Madang.

## Paitman klostu dai — no gat pe yet

Dia Edita — Bilong wanem tru na gavman bilong PNG na Australia i no hariap long stretim pe bilong ol man husat i bin pait long Namba tu Wol Woa?

Em i tru sampela bilong ol dispela man i kisim pinis pe bilong ol. Tasol sampela i wet i stap na klostu bai ol i

dai nau. Na sampela i dai pinis tasol ol i no kisim yet dispela pe bilong ol.

Yu husat i kamapim gavman na lukautim kantri, i mas tingting i go bek long ol lain pipel bilong dispela kantri husat i pait na dai long sevim kantri bilong yumi. Pawa bilong ol pipel i mekim na yu

kamapim gavman na lukautim kantri. Olsem na mobeta yu lukluk tu long wari bilong ol pipel i makim yu long kamapim gavman bilong kantri.

Gavman i makim ol pipel bilong PNG orait, em i mas go pas long bringim dispela hevi bilong ol pipel i go

long gavman bilong Australia. Mi laik gavman i mas skelim hap mani bilong baset bilong kantri long mekim dispela wok bilong givim pe long ol eks sevisman insait long PNG.

Peter Sauipe  
PO Box 213  
Madang

# Wok misin i sot long Mani

Dia Edita — Mi laik autim liklik wari bilong mi olsem ol misin i no gat mani long wok insait long provins na mi lukim ol misin i wok gut tasol ol sot long wok wantaim mani.

Ol misin i gat planti leba bilong lotu insait long ples na helpim ol pipel.

Ol pipel i amamas long harim lotu o gutnius i kam long ol misineri o ol wokboi bilong misin. Tasol ol bai no kisim liklik toea long misin na ol

lusim misin na pipel wantaim. Olsem na mi ting lotu o gutnius em nabawan samting tru long olgeta hap long wol.

Mi ting olsem na gavman mas givim planti long ol misin em mi lukim long provins na mi laik autim liklik wari bilong mi.

Hugulu Ngoai  
Paijaka Komyuniti skul  
Tari Sauten Hailans Provins.

# Enga i Nesenel Pati Hausman

Dia Edita — Mi laik bekim tok bilong ol saspendet provinsal gavman memba bilong Enga husat i laik sapatim Pangu Pati long Provins.

Taim mi liklik yet, Pangu Pati i bin lukluk long provins i kam inap 1982; ileksen.

Planti ol kendidet ol i bin promis long wokim sampela wok sapos Pangu i kisim bek pawa.

Tru tumas Pangu i bin ronim gavman inap long 9-pela yia olgeta na i nogat wanpela promis i kamap

strong yet.

Yu husat man i laik bilasim nem bilong pati long maus bilong yu mas i go na toktok wantaim lain bilong yu tasol na maski yu karamapim provins long wanpela maus bilong yu.

Yu no handet tausen manmeri na yu karamapim olgeta.

Yu wanpela tasol olsem na yu noken tok moa.

Kaiti Simion Tamban  
AGK Kavieng  
Nu Ailan

## Planti manki raun nating

Dia Edita — Mi laik putim wari bilong mi i go long gavman. Wari bilong mi i olsem planti manki pinis long skul bilong ol na ol i stap nating na raun raun long taun na kisim trabel long taun na

long ples tu.

Plis inap gavman putim vokesenel skul long wan wan distrik na bai ol skul liva ken skul long em na stap isi?

Ating sapos gavman putim vokesenel skul

long wan wan Distrik bai ol manki i skul na bai i nogat planti trabel bai kamap long ples o taun.

R y i a r a k i n i  
Pupulenge  
Not Solomons.

## Mi les long haiskul meri

Dia Edita — Mipela save les stret long ol sampela haiskul meri bilong Kanavitu. Pasin bilong yupela em olsem. Taim yupela i kam bek long haiskul olsem wanem tru na yupela i save askim planti tumas, "wanem taim nau?"

Na watpo yupela i no save long kolim taim? Yupela ting yupela gat moa save long mekim tok olsem?

Na tu yupela ting yupela go long haiskul na tok olsem?

Sori tumas yupela i no kamap.

Mipela ken tokim yupela olsem ol klok i no save rong long wanpela taim. Sampela i save go isi na sampela i save go pas.

Mi tokim yupela taim yupela askim mi long taim mi bin tokim yupela olsem na em 8:45 tasol yupela bin go long wanpela hap gen na lukim narapela taim na yupela tok olsem klok bilong mi i

rong.

Man! i no gat wanpela minit i lus a? Taim yupela go lukim long narapela klok yupela ting amamas seken i lus pinis taim yupela wokabout.

Stanley Menai,  
James Elly, Cosmas  
Besis  
Not Solomons  
Provins.

## Traim autim Torato

Dia Edita — Mi laik bekim pas bilong brata Patrick Naleo bilong Kepelam Not Solomons Provins. Brata ating yu wanpela man i no gat tingting.

Olsem wanem bai wanpela memba olsem Paul Torato bai kisim gavman na developim ples olsem Kepelam o Lagaip eria bilong yu.

Brata yu man yu save wanem samting kamap long palamen stat long 1982 i kam inap nau 1986.

Tru tumas Paul Torato promis long bosim gavman tasol ol hailans membas ol i bruk nabaut na sanap olsem birua na sampela swipim plua bilong Somare.

Brata Patrick Naleo yu save pinis taim bilong Kempein planti memba long dispela kantri i save tok prornis na sapos yu laik egen-sim brata Paul Torato orait yu mas sanap long 1987 nesenel ileksen na yu ken senisim gavman long yia bihain.  
Tiane Edokin  
Arawa. NSP.

## MARIT PASIN? Karim pikinini na ranawe

Dia Edita — Mi save lukim planti hap long yumi long Papua Niugini ol manmeri long hailans ol i save marit long nambis na ol manmeri bilong nambis ol i save go marit long hailans.

Ol i save amamas na stap wantaim tasol ol i save karim wanpela o tupela pikinini ol i save ranawe.

Dispela kain pasim i no gutpela pasin yumi save mekim.

Mi save lukim dispela kain pasin na mi

save sore tru long wanem taim yutupela yangpela i amamas wantaim na yutupela marit tasol taim i gat pikinini na yumi save ronwe nabaut dispela em i nogut pasin.

Dispela em i pamuk pasin yumi save tingim bek long dispela kain pasin mi tu mi marit tasol mi save lukim na mi save sori tru.

John Wapon  
Iwi Plantesen  
Kieta NSP.



## Kompian bai votim nupela memba

Dia Edita — Mi gat bikipela wari na kros long memba bilong Kompian. Kompian ilektoret i stap long hap bilong Enga Provins.

Mi laik askim yu, memba bilong Kompian; yu save toktok wantaim nesenel gavman long kisim developmen i go long distrik bilong yu tu o nogat?

Long taim mi go long lip long ples, mi lukim Kompian Distrik i bus pinis.

Mi no ting dispela em i gutpela tumas. Mi harim olsem taim yu go long palamen, yu no save tok pait wantaim nesenel gavman long bringim developmen i kam long eria bilong yu. Yu no save mekim wanpela toktok bilong helpim ol pipel bilong yu long palamen.

I luk olsem maus bilong yu oltaim i save pulap long buai na yu i no inap long toktok long palamen. Mipela i ting yu no save mekim wok politik gut long helpim ol pipel husat i givim vot bilong ol long yu. Yu save lukim sampela memba i wok gut long politik na ilektoret bilong ol i wok long kamapim developmen na kisim moa helpim i kam long nesenel gavman?

Ating em i gutpela long yu memba bilong kompian i tingting nau long mekim gut wok bilong yu, o ol manmeri long ilektoret bilong yu bai givim vot bilong ol long narapela man long taim bilong ileksen.

Sapos yu no save gut long wok politik, orait em i mobeta long yu lusim wok long palamen na go stap nating long ples. Bai narapela man tru i ken mekim gut dispela wok bilong helpim ol pipel bilong Kompian ilektoret.

Mapya Loo, Arawa, NSP.

## Tokim mi yu stap we?

### Brata bilong mi?

Dia Edita — Mi wok long tingting planti long wanpela brata bilong mi em i bin graduet wantaim mi long Nesenel Ats Skul bipo.

Nem bilong em, Jim Jarave Tanket. Em i bilong Ikanofi Viles long hap bilong Henganofi sab distrik long Goroka, Isten Hailans Provins.

Sapos husat man o meri i save long em, plis givim em dispela adres bilong mi.

Godfreytz Kochie Misale,  
C/- Alphonse Yalim,  
Vanimo General Hospital,  
P.O. Box 84,  
Vanimo, WSP.

## Painim wantok na pren

Dia Edita — Mi laik painim gen ol wantok na pren bilong mi husat i bin stap wantaim mi long 1966 i go inap long 1972, taim mi lusim ol na i go long Not Solomons Provins.

Mi no save tru long wanem taun hap PNG o ples ol i stap long en. Sampela i lusim mi long go skul na sampela wantok na pren i lusim mi long go painim wok long ol arapela ples na taun.

Mi yet, Peter Yembe Hassi, i stap nau long Bougainville Ailan inap 14 yia olgeta nau na mi no bin kisim pas i kam long ol dispela pren bilong mi.

Olsem na mi laik save sapos ol i stap yet o i gat sik o sapos sampela i lusim pipel pinis. Mi save olsem planti pren na wantok ating i marit pinis, tasol mi laikim ol yet i tok save long mi.

Mi ting husat wantok o pren bilong mi i ritim dispela pas i ken bringim tok save bilong mi long ol arapela tu long hap taun o viles bai ol i ken save long adres bilong mi na raitim pas i kam long mi.

Mi save wari sapos ol gutpela pren bilong mi long bipo i stap yet o i painim bagarap na lusim mi pinis.

Adres bilong mi:

Peter Yembe Hassi,  
P.O. Box 257,  
Arawa, NSP.

# Gavman bai givim bek sotgan o nogat?

Dia Edita — Wari bilong mi i olsem. Gavman bai givim bek sotgan long papa bilong ol o nogat? Ol lain papa bilong sotgan mipela tingting planti tumas bikos mipela lusim bikipela mani bilong mipela long baim dispela ol gan. Mipela lusim mani bikos welpik i bikhet long bagarapim gaden bilong mipela, na tu mipela laik painim abus long bus bilong mipela. Gavman i orait long kisim sotgan long husat

man i stap klostu long taun o siti.

Mipela i no amamas tru long gavman i kisim sotgan bilong mipela husat nau mipela i stap insait long bik bus.

Welpik i wok long pinisim gaden bilong mipela na ol i biket moa

na brukim ol banis em mipela i wokim.

Sapos mipela sot long kaikai provinsal na nesenel gavman i no inap salim ol bek rais o katen pis i kam long mipela. Dispela i tru.

Mipela wari tu long katres em mipela holim

i stap. I no gat sotgan long yusim ol dispela

plis i kisim ol gan bilong mipela?

Augustine Tasmui,  
Not Solomons Provins.

## I gat pe bilong salim nius o pas?

Dia Edita — Mi gat wanpela liklik wari olsem mi no save long rot bilong salim pas i go long Wantok Niuspepa.

Plis inap yupela i tokim mi long wanem samting mi mas mekim?

Mi laik salim pas oltaim long Wantok Niuspepa, tasol mi no save sapos yupela i save sasim ol man husat i raitim ol dispela pas tu o nogat.

Sapos yupela i save sasim ol manmeri husat i raitim pas long Wantok Niuspepa, ating yupela i ken tokim mi hamas tru mi mas baim long pas mi salim long yupela.

K.Morong,  
P.O. Box 2173, Lae, Morobe Provins.

Dia Morong,

Mi Wantok Edita. Yu no ken wari long pe bilong spes em pas bilong yu i kamap long en long Wantok.

Mipela i no sasim ol rita bilong Wantok Niuspepa long salim ol pas i kam long mipela. Mipela laikim yu salim pas bilong yu tu.

Em i gutpela olsem yu askim. Ating planti arapela rita bilong Wantok Niuspepa i no save long dispela tu.

Orait, long kliaim tingting bilong yu, rait tasol. No gat sas bilong ol pas long Wantok Niuspepa.

Tenkyu.

Wantok Edita.

## Wanem asua kamapim ol raskol?

Dia Edita — Wari bilong mi i go long ol minista long taim bilong vot long ol.

Ol i save grisim ol grasruts long votim ol. Taim ol i kisim nem gavman ol i no tingim moa ol grasrut long hatwok bilong ol.

Gavman tu i save giamanim yumi long skul, taim yumi pinisim skul ol i mekim hat long yumi long painim wok. Na taim yumi laik painim wok ol i save tok nogat wok, tru ... ah?

Em long dispela asua tasol na raskol i kamap nabaut long provins. Ol plis, taim yupela holim ol raskol yupela i mas isi long ol na putim ol long kalabus. No ken mekim nabaut, isi em ol i ken tanim bel na kisim nupela laip. Em i no asua bilong yupela nogat em asua bilong minista na ol memba bilong kantri.

Na tu yupela draiva bilong gavman taim mipela grasrut i stapim yupela long helpim mipela yupela save gridi long ka na so-op wantaim ka na ranawe.

Franky Paul,  
Gabensis Viles, Morobe.

## Laip long Talasea

Dia Edita — Mi amamas long harim ol wok developmen long Wes Nu Briten tasol long pasin bikhet tasol i moa yet long hap bilong Talasea distrik.

Plis ol brata long hap long Talasea, bai wanem taim tru yupela i wokim sampela wok kamap long kirapim distrik bilong yupela? No gat bai yupela i kirapim distrik long pasin bikhet.

Ol Talasea, traim na lukluk gut na lukim Kandrian, Glousta,

Bialla, Hoskins, Bali na Vitu. Ol i traim hat long kirapim provins bilong ol na tu distrik bilong ol.

Tasol yumi save pait wantaim ol setlas long Kavugara welpam setelmen na Pangalu plantesin em i no gutpela pasin tumas.

Ol tarangu ol i traim long kirapim nem bilong Talasea long wok bisnis bilong ol.

James Luvi,  
Kimbe, WBNP.

## Plisman holim botol

Dia Edita — Askim bilong mi i go long Plis Komanda o gavman olsem taim ol plisman stat long kos yupela tokim ol long dring na i go long wok o olsem wanem.

Taim sampela plisman holim botol wantaim i go long wok em lo bilong gavman o lo

bilong plis opisa.

Mi laik save long dispela lo bilong holim botol wantaim i go long wok bilong gavman.

Mi lukim sampela plisman long Arawa i spak wantaim na wok na pulim wanpela boi i go long sel.

Dispela boi em i stap long arere long eria bilong banis bilong em tasol ol plisman spak

wantaim wok olsem na ol strong long pulim boi i go long sel.

Olsem na lukluk bilong mi i no stret. Mobeta plisman mas lusim botol long taim bilong wok. Em i no praiwet wok bilong yu em wok bilong gavman.

Harry Yangure Moirava,  
Arawa, NSP.

Salim pas i kam long:  
**WANTOK NUSPEPA**  
**PO BOX 1982**  
**BOROKO NCD**

## Selp Gavman bringim posin

Dia Edita — Mi bilong Ponampa seket long Avuyana, Kainantu, Isten Hailans.

Nau mi stap long Buin long Not Solomons. Mi painim tumas posin insait long ples bilong mi. Bipo, bipo mipela long ples i no save long ol kain kain posin.

Tasol bihain long selp gavman nau ol pipel bilong baim posin i kam long ol Okapa pipel. Na moa yet i kam nambis.

Tude i gat liklik jeles long gaden, pik o meri ol save posinim tasol ol man indai.

Na dispela ol man indai i no lapun. Ol yangpela man. Em inap i stap olsem bikman bilong ples bihain. Na dispela i stapim tu developman. Bikos ol pipel long ples i laik wokim bisnis. Ol pret bai ol narapela wanpisin i jeles na mekim posin long papa bilong bisnis.

Harry Waefi,  
Ponampa Luteran Misin,  
Kainantu, EHP.

## Pas i go long ol kristen brata

Dia Edita — Yes ol kristen brata. Mi gat liklik wari long Sabat lotu na Sande lotu. Dispela tupela lotu, mipela save lotu long wanpela God tasol.

Mi save kros wantaim ol SDA. Olsem na mi askim yupela sampela kristen brata i ken

kliaim mi long dispela tupela lotu.

Yes, mi bilip olsem Jisas i kirap long matmat long Sande moning na i go long heaven long papa God. Olsem wanem em i go kamap pastaim long ai bilong ol sampela disaipel bilong em. Na

bihain em i go antap long heven.

Mi bilip tu olsem sabat i no bilong honarim God, em bilong ol manmeri long graun. Olsem na i stap holi.

Jisas i tok, God i malolo long Sabat, olsem na ol manmeri tu

mas malolo long sabat.

Nau mi painim planti kain sabat, Sarere na Sande. Planti kristen sios long wol i makim Sabat na Sande, na ol SDA long Sarere. Wanem de tru em i sabat. Yupela inap kliaim mi? Mi yet bilong Luteran Sios,


na mi save lotu long Sande.

Sarere, nogat, Mi laik yu kristen brata o sista tokim mi, nau olsem holi de tru em papa God i malolo long wok bilong em long kamapim dispela graun long Sarere o Sande? Peter Odupi, EHP.



# TOYOTA HILUX

## I strong na smat moa



Long olgeta hap bilong Papua Niugini, Toyota Hilux i soim olsem em i wanpela strongpela na smatpela ka. I gat kain kain — ol 2WD, 4WD, singel keb, ekstra keb na dabol keb na ol i gat petrol o disel ensin. Kam na lukim mipela na test draivim wanpela Toyota Hilux nau.

**ELA MOTORS TOYOTA**

WHEELS FOR THE NATION

PORT MORESBY 21 7036 ● LAE 42 2322 ● RABAUL 92 1988 ● MADANG 82 2188 ● GOROKA 72 1844 ● MT. HAGEN 52 1888 ●  
WEWAK 86 2255 ● POPONDETTA 29 7240 ● KAVIENG 94 2132 ● KIETA 95 6083 ● KIMBE 93 5155 ● TABUBIL 58 9060

A MEMBER OF THE BURNS PHILP GROUP

EM102



# Look again at NISSAN PATROL



**LOOK AT THE STRENGTH**  
Welded unitary construction for maximum strength.

**LOOK AT THE POWER!**  
P40 Petrol delivery  
150HP/3,800rpm power,  
or SD33

**TRY THE TOUGHNESS!**  
Extra strength ladder-type frame with protective guards below. High level road clearance.

**FEEL THE RIDE!**  
Progressive suspension (Leaf-spring front and rear) plus full-floating front axle.



**Good lookers, great performers on-road and off-road!**

**NISSAN PATROL Hardtop**

**NISSAN PATROL High Roof Hardtop**

**NISSAN PATROL Station Wagon**

*Look in and see the good guys!*



# BOROKO MOTORS



BOROKO MOTORS Port Moresby—25 5255 ● Lae—42 1144 ● Rabaul—92 2777 ● Madang—82 2433 ● Mt Hagen—52 1433 ● AGENTS AT Arawa Motors Arawa—95 1566 ● Higaturu Motors, Popondetta—29 7175 ● Provincial Agencies Kavieng—94 2131 ● Tora Motors, Wapenamanda—57 4059 ● Milne Bay Enterprises, Aitlau—61 1167 ● Al's Auto Repairs, Goroka—72 1848



# Ol laik bihainim God

EM nau nupela yia 1986 i kamap pinis nau. Em i nupela yia na taim bilong mekim ol nupela promis. Orait planti ol pipel i mekim kain kain nupela promis long senisim o stretim sindaun bilong ol.

Ol dispela pipel i laik senisim sampela pasin long laip bilong ol em ol i ting i no stret. Sampela i stap smok. Sampela i no laik dring bia moa. Ating sampela i laik kamap gutpela kristen o sindaun gut wantaim famili bilong ol.

Ol kain promis olsem i no isi long bihainim. Tasol ol pipel i mekim kain promis isoim olsem ol i bosim laip bilong ol yet.

Tasol i gat ol narapela lain pipel tu i mekim ol narakain promis long dispela nupela yia. Na promis bilong ol dispela pipel i no isi tu.

Ol dispela lain pipel em ol nupela bruda bilong ol lain Sakret Hat Brata. Insait long olgeta 9-pela yia taim ol i stat wok olsem bruda ol i mas mekim promis long wan wan yia. Long dispela taim tu ol i gat sans long tok inap nau. Mi laik lusim bruda na stap olsem ol narapela pipel gen.

Bisop Leo Arkfeld husat i bosim As Daiosis bilong Madang na Fr William Libert bilong Boys Town i bin kamapim wok bilong ol Sakret Hat Bratas long May 1959.

Nambawan Monastri bilong ol i stap long hap we Bois Taun i stap long en long Wewak.

Ol lain Sakret Hat Brata i save lukautim ol yangpela pikinini husat i brukim lo, ol tarangu manmeri na mekim pastoral wok na wok kamda. Ol i stap long Vanim, Wewak, Madang, Lae, Mosbi na Wabag.

Long Sarere Janueri 4, tripela Sakret Hat Brata long Hohola long Mosbi i bin mekim promis gen. Ol i laik holim wok bilong God insait long 1986 tu. Wok bilong ol dispela tripela brata nau em long lukautim ol yangpela i save brukim lo insait long Mosbi.

Em hia stori bilong tripela bruda yia.

Bruda John Aitoney, 21 bilong Aitape i mekim namba tri promis bilong em. John i bin skul long Raintapot Komyuniti skul, Aitape Hai na bihain long Madang Tek. Tasol tripela mun bihain John i lusim


Madang Tek na go bek long ples. Long 1981 em i joinim ol lain Sakret Hat Brata. John i tok tingting bilong em i kirap long wok bruda bikos em i mangalim waitpela klos bilong ol bruda.

Bruda John i painim laip bilong ol bruda i hat tasol em i laikim. Em i tok em i lusim dispela laip bilong wok mani, marit na raun long laik bilong em. Na em i laik wok wantaim ol yangpela husat i brukim lo.

Bruda Arnold Yeng, i gat 25 krismas bilong ples Biwat long Is Sepik. Em i pinisim skul long yia 1974 long Biwat tasol em i no gat moni long go skul long Divain Vot Hai skul long Madang. Em i stap long ples na long 1977 em i joinim ol malaria spre tim na wok inap tripela yia olgeta.

Bruda Arnold i tok em i aigris long klos bilong ol Sakret Hat Bratas olsem na em i join long 1981. Bruda Arnold i mekim namba 4 promis bilong em nau bikos em i laikim wok bruda.

Bruda John Wapalin, 30, i kam long Tongemas long Ambum Veli insait long Enga Provins. Em i



Ol tripela brata i mekim promis (kirap long lep) Bruda John Aitoney, Bruda Arnold Yeng na Bruda John Wapalin.

statim skul long Sukiro Peris long 1969 na taim em i go skul long Wabag Hai em i tingting long joinim ol Sakret Hat Bratas.

Tasol ai gris bilong ol lain paia man i paulim tingting na em i aplai long wok paia man. Tasol ating

bikman i no laik olsem na long de bilong stat wok i bin gat traipela pait i kamap long namel long Wabag na Hagen. Na tarangu John i no inap go long nupela wok bilong em.

Em nau em i stap long ples na tingting

bilong kamap bruda i kamap gen na John i kirap joinim ol Sakret Hat Brata long 1980. Em i namba 5 promis bilong bruda John nau na em i laik wok yet.

John i tok wok bilong lukautim ol yangpela i brukim lo i

no isi. Em i tok namba wan mun taim em i stat wok em i laik krai stret. Ol mangi i bikhet tumas. Tasol nau em i save gut long lukautim ol kain mangi olsem.

Na em i save pilim olsem ol i liklik brata bilong em.

## Sande lotu

Frank Mihalic

### Wara long olgeta hap

Sande lotu — 26 Janueri 1986

LONG asples bilong Jisas, long kantri Isrel, i gat tupela raunwara i stap inap tude. Raunwara Gaillili em i gat switpela wara i pulap long pis na planti taim Jisas i bin pul o sel antap long en. Nabaut long en i gat ol naispela viles na fam na gaden na haus na tri.

Narapela raunwara ol i kolim Ded Si. Dispela em i gat wara i sting na i no gat pis olgeta. Yu no ken waswas long en; em i pulap long sol tasol. I nogat tri o fam o gaden nabaut long en. Nogat. Olgeta samting nabaut i dai pinis, olsem nem bilong em Ded Si i tok.

Tupela raunwara ya i narakain tru. Tasol wanpela Riva Jordan i kapsaitim wara long tupela wantaim. Olsem wanem na wanpela i kisim wara na i yusim na i salim i go long helpim narapela ples. Narapela i kisim na i holim i stap; em i no larim em i go moa.

Wara Jordan i kam insait long Raunwara Galili long Not bilong em; na em i goaut gen long Saut. Nau em i ran i go daun long Ded Si. Hia em i go insait na i kalabus i stap olgeta.

Raunwara Galili i kisim na i givim gen — dispela i mekim wara bilong em i ran na i swit na i gat laip. Ded Si i selpis, i kisim wara na i holim stap. Dispela i mekim wara bilong em i sting na i sol tasol.

Em i wanpela lesan o skul i save kamap long pasin bilong wara long dispela graun. Tasol long planti arapela we tu ol kain wara i soim God na pasin bilong em. Yumi tingting long dispela nau.

Wara em i bikpela samting; em i karamapim klostu hap bilong dispela graun. Em i stap long biksolwara na ol riva na baret na raunwara; em i stap long klaut antap na long ol ren na sno na ais.

Namba wan samting God Papa i wokim long dispela graun em i wara tasol. I nogat lait yet; i no gat graun yet, na wara i stap pinis. Laip long dispela graun i

kamap long wara. Yumi yet i swim insait long bek wara long bel bilong mama.

Strong bilong God na save bilong em i hait insait long ol kain wok bilong wara. Wara em i mekim olgeta sayor na tri i gro; wara i wasim ol samting; wara i mekim kol samting i hat. Yu ken hatim wara na em i kukim kaikai. Yu ken kolim em na ais i kamap, na ol kaikai i tanim long ston dai.

Wara i ken kilim man i dai; wara i mekim ain i ros, i mekim diwai i sting. Tait wara i ken krungutim haus; biksi i ken kapsaitim sip. Wara i ken mekim graun i malumalu, na i ken mekim em i wel. Wara i ken tekewe maunten, i ken wokim hul long ston, i ken mekim sol i suga i lus olgeta na i tanim long wara yet. Wara i ken mekim dai paia. Nek bilong man i krai na i dai long wara; na bihain wara bilong pispis na tuhat i rausim pipia bilong bodi. Wara em i haus bilong ol pis na planti kain liklik abus.

Long Baibel i gat planti tok na stori long wara. I stat long Jenesis, long taim God i wokim heven na graun. I go inap long bikpela haiwara i karamapim olgeta graun. Ol Juda i brukim bikpela Ret Si long taim ol i ranawe long Isip. Moses i paitim ston na i opim hul wara.

Jisas yet i kisim baptais long Wara Jordan. Em i wokabaut antap long Raunwara Galili. Em i wokim namba wan mirakel bilong em wantaim wara long ples Kana. Em i tokim ol disaipel long goaut na baptaisim olgeta manmeri long wara tasol. Olsem na wara i gat biknem long stori bilong em.

Tok bilong wara i kamap 255 taim long Baibel. Bikpela tok bilong em i kam long Jon 3,5, we Jisas i tok olsem: "sapos man i no kamap nupela gen long wara, em i no inap go insait long kingdom bilong God."

Na tingim gut tok yu painim long Jon 4,14. Yu go painim long Nupela Testamen bilong yu nau.

## Hat tru long lusim gelpen

DIA LAIPLAIN,

Gelpren bilong mi na mi yet i pinisim gret 10 bilong mipela nau na mipela i no save long wanem kain rot bai mipela i brukim dispela pasin pren bilong mipela.

Long taim mipela i stap yet long skul long las yia bilong mipela, mipela i no inap painim rot bilong stapim dispela pren bilong mitupela.

Mi no save bai mekim wanem tru na lusim dispela meri.


SUMATIN

DIA PREN,

Em i gutpela long ol yangpela manmeri husat i gat 17, 18, na 19 krismas long painim planti prenman na prenmeri na painimaut laik bilong ol long wan wan pren bilong ol.

Wanpela samting i gutpela long dispela kain pasin bilong gat planti pren em olsem, yu inap long save wanem kain meri em yu gat laik tru long en. Wanem kain meri wantaim wanem kain pasin i gutpela long yu.

LAIP



LAIN

Yu no ken tingting tasol long wanpela pren na no painim ol arapela husat inap soim yu moa gutpela pasin.

Ol yangpela manmeri i ken wok bung wantaim long kain kain wok na pasin. Ol ken bung wantaim na mekim wok bilong skul. Ol i ken bung wantaim na helpim wok sios.

Mipela i ting olsem yu mas traime long mekim ol dispela samting na askim gelpren bilong yu tu long mekim wankain. Sapos yupela i bung wantaim ol arapela na wok gut wantaim ol arapela manmeri bai yupela i painim olsem em i no hat tumas long brukim pren bilong yutupela bihain long

sampela taim.


Long taim yu tupela i bruk pinis, orait i no ken sindaun yu yet na tingting tumas long olpela pren bilong yu. Yu mas traime long bung na raun wantaim ol pren bilong yu na mekim ol sating em ol yangpela manmeri i save laik mekim.

Sapos yu ting olsem em i hat tru long brukim dispela pren bilong yu tupela, orait i go longwe long arapela pren na rait tasol na toktok wantaim em sampela taim. Dispela bai helpim yu.

LAIPLAIN

Sapos yu gat wara o askim salim i kam long Laiplain Box 6047, Boroko.





Lucas Waka.

# Waka i givim skul long ol provinsal lida

**MEMBA BILONG** Wes Nu Briten insait long Nesenel Palamen Mista Lucas Waka i bin askim ol provinsal minista na ol bos bilong ol dipatmen long bung wantaim na wok long kisim ol sevis i go long ol pipel long ples.

Mista Waka i bin mekim dispela tokaut insait long wanpela kibung ol provinsal minista wantaim ol bos bilong ol dipatmen. Ol i bin sindaun toktok long rot bilong helpim

ol long mekim ol wok bilong ol i kamap gut. Mista Waka i bin tok olsem Pablik Sevis long Wes Nu Briten Provins i pundaun tru na i no gat gavman sevis i go kamap long ol pipel bilong ples.

Em i tok wanpela bikipela as ol sevis i no kamap long ples em bikos pablik sevis i slek na tu ol opisa i no save gut long ol wok bilong ol.

Mista Waka i tok long stapim dispela hevi ol opisa bilong gavman i mas kisim

skul long ol wok ol laik holim insait long pablik sevis.

Em i tok dispela i ken helpim gavman long kisim ol sevis i go daun long ol pipel bilong ples.

Olsem na long dispela kibung Mista Waka i bin tokim ol provinsal minista bilong Wes Nu Briten gavman wantaim ol het bilong ol dipatmen na ol edvaisa bilong ol olsem ol i mas wok wantaim long mekim ol sevis i go kamap long pipel insait long provins.

## Etministretiv Dipatmen bai bosim ovasis oda

**OLGETA** gavman dipatmen i mas askim na kisim tok orait long Dipatmen bilong Etministretiv Sevis, sapos ol i laik odaim samting long ovasis.

1 Minista bilong Etministretiv Sevis, Mista Albert Kipalan i salim dispela tok save i go long ol gavman dipatmen long dispela wik Trinde. Em i tokaut tu long Nesenel gavman i pasin daun hap rum bilong gavman saplai opis long Sidney, Australia. Dispela wok pasim daun i bihainim tok orait bilong nesenel gavman i kamap long yia 1982.

Aninit long dispela tok orait, bai PNG Gavman i no inap long go het long yusim wanpela bakstua long Sidney. Gavman bai kirapim wanpela ovasis bakstua brens insait long Dipatmen bilong Etministretiv Sevis long Mosbi.

Mista Kipalan i kisim tok klia long arapela gavman dipatmen olsem dispela bakstua o saplai opis bilong PNG Gavman long Sidney i bikipela tumas. Na Konsal Jeneral bilong PNG long Sidney i kisim tok save bilong em pinis long pasim daun hap bakstua. Em bai Konsal Jeneral i mas yusim narapela liklik bakstua

## Laimo laikim Not Solomons kamapim timba bisnis

**OL timba kampani long Not Solomons Provins nau i kamapim bikipela wari long provinsal gavman na pipel bikos ol i kalabusim ol pipel bilong Not Solomons Provins long kamapim timba kampani bilong ol yet.**

Minista bilong Praimeri Industri na Deputi Primia bilong Not Solomons, Mista Michael Laimo i go pas long daunim ol dispela kampani na tokaut long givim sans long pipel bilong em long kama-

pim timba kampani bilong ol yet.

Em i tok, tingting bilong sampela timba kampani long provins bilong em nau (em i no givim nem) em long strongim bisnis bilong ol bai no gat arapela kampani inap long resis wantaim ol.

Em i tok, em i no bilip long dispela kain developmen we wanpela kampani tasol i lukautim wanpela bisnis long provins.

Mista Laimo i askim ol dispela kampani husat i strong long timba bisnis long provins long tingting

long wanem developmen bai kamap long samting olsem 50 yia.

Mista Laimo i tok olsem, wok bilong katim ol diwai na salim long ovasis kantri em i no wanpela wok tasol bilong timba. Ol pipel i ken wokim somil (wokabaut somil) em ol i ken painim long "Viles Industri, Rises na Trening Yunit" bilong Komes Divisen. Ol dispela wokabaut somil i kos samting olsem K6 tausen.




continental trading co. pty. ltd. p.o box 7077 boroko. ph. 252200

## SKRUIIM TOK

Lep i go long rait

1. Wanpela kain bilas
4. Liklik haus
6. Ailan long Milen Be
7. Mi pulap, mi no ..... kaikai moa
9. Kampani bilong wokim bia
11. Long sait
13. Kumu
17. Husat save?
19. Apim
20. Pasim maus!
23. Mit
26. I stap long nambis
28. Wok bilong banara
30. Pinisim kros
31. Em i tok .....
32. Asisten Distrik Opisa
34. Wanpela binatang
36. Isuzu .....
37. Lip saksak
38. Sir Maori .....
39. I no pasim



Antap i go daun

1. Wanpela sayor
2. .... Lei (singsing bilong Fiji)
3. Bikipela bot
4. Wanpela hap bilong ol ami long Mosbi
5. Sutlam
6. .... Wes em Minista bilong Helt

8. Samting bilong pasim trausis
10. Wanpela ragbi tim long Mosbi
11. Samting bilong katim diwai
12. Taim plis i kam, ol raskol i save mekim dispela
14. Yau

15. Haus kalabus long Goroka
16. Ambunti i stap long dispela Sepik
18. Yes (Tok Motu)
21. Sin
22. Samting i mekim yu lap
23. Ples bilong kisim sut

24. Wara long Morobe
25. I save bruk long nambis
27. I no sindaun
29. Yam
30. Tarangu!
33. Birua bilong ol pusi
35. Yu no gat ..... stret!
36. Ol raskol i save brukim dispela

## Wantok BUK KLAP

LUKIM WANEM BUK YU LAIKIM NA SALIM TASOL MANI KAM NA BAI MIPELA I SALIM BUK BILONG YU I KAM.

- Putim dispela mak x insait long boks long makim wanem buk yu laikim.
- Prais bilong buk i karamapim pe bilong pos opis insait long PNG.
- Bai i gat ol nupela buk bilong Wantok Buk Klap olgeta tupela wik.

• A Martyr For The Truth by Jerzy Popietuszko 18 X 25 CM

• Racing Motor Cycles by Luigi Rivola 13H X 19H CM

• Using The BBC Micro in Edukesen by Don Thrope 15 X 21 CM

• Finding out about Rocket and Spaceflight by Usborne Books 19H X 20H CM



Salim dispela fom wantaim sk o posta oda bilong yu i kam long: Wantok Buk Klap, P.O. Box 1385, Port Moresby.


NEM: \_\_\_\_\_

ADRES: \_\_\_\_\_

- Salim oda bilong yu i kam.
- Ol buk bai kamap bihain long 28 de.
- Olgeta buk ya i kam long WEB Books.
- Putim oda bilong yu long dispela fom tasol



# Salahmo i kilim lapun masalai



BIPO bipo tru long taim bilong tumbuna i gat tripela brata i stap long ples Giviseveka. Nem bilong ol dispela tripela brata em, em namba wan i Maniho, namba tu brata nem bilong em Siofe na namba tri brata nem bilong em Salahamo.

Orait wanpela de ol i no gat abus long haus na ol dispela tripela brata i sindaun toktok i stap long go painim abus. Tasol i gat ol arapela wok bilong mekim tu olsem na bikpela brata Maniho i tokim ol tupela liklik bilong em long stap long ples na em wanpela bai go painim abus bilong ol long bus.

Maniho i stretim ol spia na banara bilong em gut pinis na ol i slip. Orait long moning taim tru em i kirap kisim ol tripela dok bilong em na ol i go long bus.

Ol i wokabaut i go i go inap ol i abrusim ol bikpela maunten pinis na ol i go daun nau long stretpela hap. Na dispela hap ol i kamap long en em i ples bilong wanpela lapun masalai na meri bilong em.

Lapun masalai i kisim smel pinis i gat man i kam long dispela hap bilong em olsem na em i tok save long meri bilong em na em i go was i stap long rot.

Masalai i lukim Maniho na em i askim, "Kandere yu laik go we na yu taitim rot olsem?"

Maniho i harim na em i giamanim lapun na em i tok, "Nogat. Mi wok long painim ol rop bilong banisim haus ya olsem na mi raun i kam."

Em nau lapun man i kirap na em i tok, "Mi

painim wanpela hul bilong diwai we ol kapul i go pulap tru i stap insait long en.

Lapun man i tokim Maniho olsem haus bilong em i stap klostu na ol i ken go slip long haus bilong em orait long moning bai ol i kirap i go painim ol kapul long hul bilong diwai.

Ol i go kamap long haus bilong lapun man ya na ol i slip. Orait klostu tulait, dispela masalai i kirap isi tasol i go na em i pekpek long dua bilong haus. Pekpek pinis na em i go giaman slip i stap.

Long taim tulait i bruk nau em i go daun na wetim Maniho i stap. Na Maniho i kirap i go ausait na dispela lapun man ya i kirap na em i tok, "Ol dok bilong yu o ating yu yet i pekpek long dua bilong haus bilong mi."

Lapun man ya i hatim tarangu Maniho na em i sen nogut tru. Em i tokim lapun man olsem em i no save mekim dispela kain pasin bilong pekpek arere long haus.

Lapun man ya i strong olsem nau tasol bai Maniho i mas rausim dispela hip pekpek. Orait tarangu Maniho i harim olsem na em i kirap i go daun long rausim pekpek. Long taim em i lindaun i go daun long rausim pekpek, dispela lapun man i kam isi tasol long baksait bilong em na paitim het bilong em long hap diwai.

Em nau Maniho i pundaun i go daun na lapun man ya i kilim em i dai olgeta.

Orait lapun man i kam kisim Maniho i go na tupela i katim na kukim em. Abus bilong

tupela i tan pinis nau na tupela i kaikaim. Na ol i kilim tu ol tripela dok bilong Maniho na kukim ol tu. Ol i kaikai pinis na tupela i karim ol bun i go baksait long haus we ol lain mambu i kamap i stap na ol i tromoi ol bun long dispela hap.

Wanpela wik i go pinis na Maniho i no go bek long ples olsem tupela brata bilong em long ples i stat long wari nau. Ol i wari bikos Maniho i no inap long go stap longpela taim tru long bus. Ol i save olsem sapos wanpela bilong ol i go long bus, bai em i stap tupela de tasol na kam bek gen long ples.

Orait namba tu brata Siofe i tokim liklik brata bilong olsem bai em i go painim Maniho. Tupela i ting yu yet i pekpek long dua bilong haus bilong mi."

Siofe i kirap kisim ol spia na banara bilong em na singautim ol dok bilong em i kam na ol i go painim Maniho. Ol dok i smelim rot em Maniho i bihainim na ol i wokabaut i go. Ol i go i go inap long ol i kamap long ples we Maniho i bin bungim dispela lapun masalai man.

Dispela lapun masalai i kisim smel bilong Siofe tu na em i kirap i go daun was i stap long rot. Long taim Siofe i go kamap long dispela hap lapun man ya i kirap na askim em, "Kandere yu painim husat na yu kam kamap long hap bilong mi?"

Siofe i harim olsem na em i tok, "Bikpela brata bilong mi i go painim abus na em i no kam bek long ples olsem na mi painim em

i kam olsem. Yu lukim em tu o nogat?"

Lapun man i tok, "Sori tru kandere mi no lukim em. Dispela hap bus em mi tasol i save raun insait long en. Maski yu kam na yumi go slip long haus bilong mi. Klostu bai tudak nau, tumora moning orait yu ken go painim em."

Ol i go kamap na lapun meri ya i lukim Soife na em i amamas tru. Em i save olsem bai tupela man bilong em i gat gutpela abus bilong tupela. Lapun meri i kukim kaikai hariap na ol i kaikai pinis orait ol i slip.

Klostu ples i tulait nau lapun man i kirap na em i mekim wankain pasin gen. Em i go ausait isi tasol na pekpek long ai bilong dua stret. Soife na ol dok bilong em i slip i dai i stap na ol i no harim wanpela samting.

Long moning nau lapun man i go ausait pas na em i giaman singaut i go long Soife. "Kandere yu kirap i kam lukim. Ating ol dok bilong yu tasol i pekpek stret long ai bilong haus bilong mi."

Soife i harim olsem na em i kam ausait na lukim draipela hip pekpek i slip i stap stret long ai bilong haus.

Lapun man i kirap na tok, "Mi no save tasol i luk olsem dispela em pekpek bilong man ya na ino bilong ol dok. Mitupela i no gat pikinini. Ating yu tasol i mas pekpek ya."

Tarangu Soife i no gat toktok. Em i tokim lapun man olsem em i no save mekim dispela kain pasin. Tasol em i

sem pinis na em i tok hai em i rausim dispela pekpek.

Orait long taim Soife i lindaun i go daun nau long rausim pekpek lapun man i paitim em i go daun gen na em i kilim em i dai. Lapun meri i lukim olsem na em i amamas na singsing i stap.

Tupela i karim Soife i go na katim em i go liklik pinis orait ol i kukim em. Bihain lapun man i kirap na kilim tu ol dok bilong Soife.

Na tarangu las brata Salahamo i wok long wet i go i go tupela brata bilong em i no go bek long ples. Em nau em i wari nogut tru na em i kirap i go long painim ol.

Salahamo i givim gut kaikai long ol dok bilong em pinis na em i kirap krosim ol. Em i tok, "Long taim yumi go long bus long painim tupela brata, yupela i no mas paul nabaut o slip i dai. Sapos mi slip, orait yupela i mas i stap."

Em i givim skul pinis long ol dok bilong em nau na ol i kirap lusim ples i go. Ol dok i go pas na soim rot em tupela brata i bin bihainim i go long bus.

Na wankain olsem bipo, lapun man ya i sindaun long rot i stap. Long taim ol i kamap em i lukim Salahamo na em i singaut i tok, "Hei kandere, yu wantaim ol dok bilong yu i raun olsem wanem?"

Salahamo i harim tasol em i no bekim toktok bilong lapun man ya. Em i wokabaut i go yet na lapun man i kirap singaut gen, "Kandere, mi save

long ples we i gat kapul i pulap tru i stap. Sapos yu laik bai mi soim yu dispela ples.

Salahamo i kirap na kros i go long lapun man ya, "Yu askim mi long wanem. Mi no kam long lukim yu o painim ol kapul."

Lapun i harim na em i giaman tok i isi long Salahamo, "Mi tok save long yu bikos tupela yangpela man i bin kam na mi soim ol dispela hap na tupela i go painim kapul long en."

Salahamo i harim olsem na em i tanim i kam bek long ples we lapun man i sindaun i stap. Na em i askim gut lapun man ya. Orait lapun i giamanim em na em i tok olsem ol tupela man ya i go long ples i stap longwe moa na sapos yu wokabaut i bo gai yu paul long rot."

Lapun i giamanim Salahamo olsem na em i tokim Salahamo long go slip kaikai long ol tasol Salahamo i tok olsem na ol dok i gat kaikai bilong ol i stap. Orait ol i kaikai pinis nau na Salahamo i slip.

Em i slip gut tru na stap tasol ol dok bilong em i no slip. Ol i was i stap long em bikos em i bin givim skul pinis long ol.

Ol i slip i stap i go na klostu tulait nau lapun masalai ya i kirap isi tasol i kam long pekpek long dua bilong haus. Ples i tudak tu na em i no lukim wanpela dok bilong Salahamo i slip i stap. Dok i ting olsem lapun man ya i laik kilim Salahamo olsem na em i kalap i go tasol na kaikaim lapun man ya long ples na han bilong em.

Lapun i singaut nogut tru na i go

kirapim Salahamo na em i tok, "Kandere dispela dok nogut bilong yu i kaikaim mi."

Salahamo i harim na em i tok, "Ples i tudak yet na yu painim wanem i go na dok i kaikai yu. Dispela dok em man bilong kaikai ol man meri na pikinini."

Lapun i go slip i stap na em i ting olsem Salahamo na ol dok bilong em tu i slip pinis. Orait em i kirap isi tru gen i kam daun na i laik go ausait ya, maski, dok i kalap i go tasol na pinisim olgeta lapun ya.

Salahamo i harim olsem na em i kam ausait na lukim. Em i tokim dok long was long lapun. Orait em i pilim pispis tu na em i go ausait long pispis baksait long haus. Long taim em i go long as bilong ol mambu em i lukim ol bun bilong tupela brata bilong em na ol dok bilong ol i slip i stap.

Orait em i go isi tasol na kisim spia na banara bilong em na em i sutim dispela lapun man i dai. Orait meri bilong lapun man ya i kam harim nois na em i kam long lukim na Salahamo i kirap kilim em tu.

Ol tupela masalai i dai pinis na Salahamo i putim bodi bilong ol i go insait long haus bilong ol. Orait em i go kisim ol bun bilong tupela brata bilong em na em i kukim haus bilong ol lapun masalai ya na haus i papa wantaim tupela.

**GORAMO Ariti,  
P.O. Box 2095,  
Rabaul, ENBP.**



## Tripela asua i daunim sans bilong ol boksa

I GAT tripela asua bai tambuim rot bilong salim PNG boksen tim i go long Oseania sempiansip resis long Westen Samoa na Komonwelt Gems long Skotlan namel long dispela yia.

Long namba wan asua, em PNG Amata Boksen Yunian (PNGABU) i wet long kisim tok orait long PNG Amata Spot Federesen (PNGASF) long helpim na salim boksen tim.

Boksen Yunian i makim pinis 18 amata boksen long go makim PNG insait long Oseania resis long Me. Na ol i makim 5-pela boksa long makim PNG insait long Komonwelt Gems namel long mun Julai/Ogas.

Seketeri bilong PNGABU, Manoa Petueli i tokaut long dispela wik Mande olsem em i bin salim askim pepa i go long spot Federesen long 6-pela wik bipo. Na em i wet yet long kisim tok save. Sapos em i no kisim bekim kwiktam, em bai sotim tok olsem PNG i no inap salim boksen tim i go long dispela tupela boksen resis.

Long namba tu hevi, em PNGABU i wetim askim i kam long Seketeri/Tredera bilong Osenia Amata Boksen Federesen, Mista Arthur Tunstall. Sapos Tunstall (husat i stap long Sidney, Australia) i oraitim PNG long salim tim i go long Westen Samoa, em i orait. Sapos nogat, PNG bai no gat pes long Oseania resis.

Petueli it ok em i bin askim Tunstall long larim 5-pela PNG boksa bilong Komonwelt Gem i go trening long Australia. Long wanem i no gat gutpela ples bilong mekim boksen trening insait long PNG. Na em i wet yet long kisim bekim.

Hevi bilong namba tri asua i givim bikipela wari long PNGABU nau. Ol i sot tru long mani bilong stretim wokabaut, trening na raun bilong PNG tim i go long dispela tupela ovasis resis na kam bek. Maski ol i stretim dispela tupela asua bipo, bai dispela las asua i tamubim boksen tim.

Petueli i tok em i no bin askim ol bisnis haus, lokal boksen asosiesen, ol amata boksa na pipel bilong PNG long givim helpim mani yet. Long wanem, em i bilip, bai dispela helpim mani i no inap karim kaikai bilong en, sapos i no gat tok orait i kam long PNGASF na long Australia. Sapos em i kisim tok orait na gutpela bekim, bai em i ken go het na painim helpim mani na ol sponsa.

Petueli i tok PNGABU i makim 18 sempian boksa bilong Osenia resis na 5-pela boksa bilong Komonwelt Gem insait long PNG Taitel resis long Septemba, las yia. Em i no laik tokaut long nem bilong ol dispela boksa nau. Long wanem em i no laikim ol boksa i putim ai na wet nating.

Petueli i tokaut tu olsem PNGABU i gat planti hevi long painim mani na bekim planti dinau bilong las yia. Long wanem ol lokal boksen asosiesen no painim inap mani long baim rejistresen fi i go long PNGASF long las yia na tu long dispela yia. Tasol wan wan lokal asosiesen na PNGABU i yusim sampela mani bilong en yet long putim kamap ol lokal boksen resis na Nesanel Taitel resis insait long Rabaul long Septemba, las yia.

Em i tok amata boksen pilai insait long PNG i laik apim nem bilong ol boksa insait long kantri na long ovasis. Tasol boksen i no save kisim smatpela helpim i kam long gavman, ol bikipela kampani na ol pipel. Olsem na PNGABU i sot long mani long stretim rot bilong putim kamap resis, trening na salim ol boksa i go long ovasis. Na dispela hevi i bungim planti arapela amata spot klap, grup na oganiseen insait long PNG tude.

Petueli i tok em i amamas long lukim sampela bikipela praivet kampani i givim helpim mani na baim ol trening samting bilong ol boksa. Nesanel gavman na ol pipel tu i mas givim bikipela sapot, sapos PNG i laik kisim gutpela nem long boksen. Boksen yunian wantaim arapela spot grup i save trai hat long painim mani na kirapim pilai



1. Hia em hap grup bilong PNG boksen tim husat i go resis long Oseania sempiansip insait long Melbon, Australia long las yia. Sanap (l-r) David Solomon, PNGABU Seketeri Manoa Petueli na Killian Brenks. Sindau (l-r) James Miviri na Abel Ando.

### SOFBAL DRO - MEN

WIK 13 — SANDE 19 JANUERI, 1986

#### DIAMOND 1

Taim	Tim	Reperi
9.00	Kabiu V Chebu	A.Girana
10.30	Malangan V Kabiu	M.Pasok A.Hara
12.00	Nissan V Yokomo	S.Paranis G.Madao
1.30	Elcom V Fuji	M.Nialir Satoko
3.00	B.Eagles V I.Hawks	L.Iara Nagata
4.30	Mazda V NGI	C.Bais M.Tako

#### DIAMOND 3

9.00	Insurance V ESA	S.Malum
10.30	Elcom V B.Eagles	P.Burua B.Eagles
12.00	YMCA V Chebu	B.Diap Elcom
1.30	NGI V Malangan	S.Kalai T.Raymond
3.00	Nissan V Mazda	J.Tengis L.Kasmara
4.30	ESA V Kabiu	J.Soai M.Sato

#### DIAMOND 2

9.00	Karanas V Bomana	T.Alau
10.30	A.Niugini V SPIA	O.Taule
12.00	Tarangau V Fuji	E.Lingau
1.30	Yokomo V Hansabe	C.Willie
3.00	Kerevat V Aviat	Martin
4.30	Karanas V Adcol	J.Base

#### DIAMOND 4

9.00	YMCA V Manalos	S.Polun
10.30	Tarangau V Manolos	N.Sandrol
12.00	Saints V Malangan	C.Theo
1.30	Aviat V Dela Sale	Nissan
3.00	Yokomo V University	Kevin
4.30	B.Eagles V Insurance	I.Riman

#### NISSAN BYE

Club:  
Time - Steward - Umpire  
9.00 - M.Tigilai - Yokomo  
10.30 - N.Tata - NGI  
12.00 - H.Vue - B.Eagles  
13.30 - P.Tonga - Nissans  
15.00 - - Karanas  
16.30 - J.Bae - H.Bay

## Gordons ragbi tas i bungim semi-fainal nau

BAI GAT semi fainal resis bilong Gordens Ragbi Tas Asosiesen i kamap long Gordens Plis Barek oval long dispela wik Sande.

Bai gat resis bilong C gret, B na A gret. Ol tim husat i kamap

4-pela top tim long wan wan gret bai traim bun long go insait long gren fainal resis long tupela wik bihain.

Dispela ragbi tas resis i bin kamap namel long 18 wik bipo i kam inap long las raun resis long las wiken. Long A

gret resis, tim bilong Bala Raiders. Plis na Roosters i sanap namba wan ples long poin lata wantaim 18 poin. Na ol opisal bilong asosiesen bai skelim ol gol na poin na tok klia long maina primia tim namel long dispela wik.

I gat narapela tripela A gret tim i sanap aninit long lata. Dispela lain tim, em Soroka Sidesena na Soukuru.

Long B gret resis, Gordens Plis tim i kamap top tim long lata na winim maina primiasip long las wiken. Plis i bin autim Soukuru 14-6 long las wik Sande. Na tupela biknem junia soka pilaia bilong Mosbi, David Mune na James Tore i go pas long mekim Plis tim i kamap

sempian long divisen bilong ol.

Tim bilong Bala Raiders i winim maina primiasip taitel long C gret resis. Ol i bin autim Plis tim insait long resis bilong las wik Sande. Tasol i no gat tok klia long skoa na poin bilong ol antap long lata.

Insait long dispela ragbi tas resis, i gat 6-pela tim. Ol dispela tim, em Bala Raiders, Plis, Roosters, Sidesena, Soroka na Soukuru. Na ol i gat wan wan tim insait long A, B na C gret.

Long las pilai bilong A gret i kamap Bala Raiders i abrusim Soroka 9-6 na Roosters i wilwilim Sidesena 20-17. Ol sapota long sailtain i lukim biknem ragbi lig pilaia olsem Nelson Moide

na Greg Mou i stap insait long resis tu. Moide i pilai long Soroka A gret tim. Na Mou i sanap fulbek bilong Bala Raiders.

Ol top tim insait long wan wan gret bai trai hat long autim birua insait long semi fainal resis long dispela Sande. Namba wan resis bai kik-op long 12 klok apinun. Na las pilai bai pinis long 6 klok apinun.

Ol dispela tim i trai hat long winim bikipela sil ol i kolim Tasion Sil. Plis Komisina David Tasion bai putim kamap dispela sil. Bai gat tropi na arapela bikipela prais bilong ol tim i kamap sempian, namba tu sempian, bes na feres tim, bes na feres pilaia na smatpela tim insait long resis.

### MOSBI SOFBAL DRO - OL MERI

SARERE 18 JANUERI, 1985

#### A GRET

TAIM	TIM	REPERI
10.30	Sunkaro V Agogol	C.H'kins
12.00	Yokomo V Exels	M.Pouru
1.30	Mazda V Demons	A.Moe
3.00	Kapit V Kablu	K.Tigilai
4.30	Gazelle V Wantoks	G.Pearse
4.30	Mazda V Agogol	E.George

#### B Gret

10.30	Yokomo V SPIA	M'gan
12.30	Malangan V Police	Wantoks
1.00	PNGBC V Manalos	Tarangau
3.30	Wantoks V Tarangau 2	Yokomo

Medics-Bye



# Soka kibung bai stretim Hara Kap program

BAI GAT wanpela soka kibung bilong ol primia na namba wan divisen klap aninit long Pot Mosbi Soka Aso-siesen (PMSA) i kamap long Ret Kros Hall, 3-Mail long Trinde, 22 Januери.

Dispela kibung bai kirap long 7 klok nait. Ol primia na namba wan divisen klap husat i rejista aninit long PMSA long las yia i mas kamap long dispela kibung. Long wanem bai i gat toktok bilong stretim program na dro bilong Hara Kap soka resis.

Bai gat toktok bilong kirapim smatpela soka pilai insait long Mosbi i

kamap long dispela kibung tu. Eksektiv Komiti bilong PMSA i laikim presiden seketeri o senia memba bilong wan tim o klap i kamap long dispela bung. Long wanem PMSA i tingting long larim ol dispela mausman i bung na painim ol gutpela rot bilong kirapim smatpela resis. Sapos wanpela tim o klap i no bihainim maus bilong PMSA na popaia long dispela kibung, em bai tim o klap bilong em i popaia long Hara Kap resis.

I gat singaut i go tu long olgeta soka klap o tim long baim rejistresen fi bilong Hara

Kap soka resis bilong ol man na PMSA Kap kompetisen bilong ol meri. Las de bilong PMSA i kisim olgeta mani em i Trinde, 12 Februери. Na dispela tupela soka resis bai kirap long Sarere, 22 Februери.

Seketeri bilong PMSA, William Vui i tokaut long dispela wik Tunde (14 Januери) olsem 18 soka tim bilong man i baim rejistresen fi bilong Hara Kap resis pinis. Em i laikim ol arapela tim i wekap na givim mani kwiktaim. Long

wanem PMSA bai kisim 48 tim bilong mani tasol.

Vui i singaut tu long tim bilong ol meri i givim rejistresen fi bilong PMSA Kap resis. Long wanem PMSA bai larim namba wan 12-pela tim insait long dispela resis. Na i no gat wanpela tim i givim rejistresen fi yet.

Em i tok klia tu olsem wan wan klap i mas putim wanpela tim tasol i go insait long dipela tupela pri-sisen soka resis. Na rejistresen fi bilong wan

wan tim em i K25 tasol.

Em i mekim narapela singaut tu i go long olgeta klap o tim long baim rejistresen na afiliesen fi bilong 1986 soka sisen tu. Afiliesen fi bilong wan wan klap em i K150. Na wan wan tim aninit long klap i mas baim K25 bilong tim rejistresen.

Olgeta klap o tim i mas givim ol dispela mani wantaim K15 pilaia rejistresen wantaim lista bilong 15 pilaia tu.

Las de bilong PMSA i kisim afiliesen na tim rejistresen mani



em i Fraide, 28 Epril. Ol klap na tim i tulet long givim mai pastaim long dispela de i no inap pilai insait long sisen tru. Na las de

bilong kisim mani bilong pilaia rejistresen wantaim tim lista em i 3 Epril. Wan wan tim i ken kisim 15 pilaia o moa.

## Man i gat nem long ragbi i dai

WANPELA top man bilong ranim wok bilong pilai ragbi long PNG i dai pinis long Mosbi haus sik long Mande 13 Januери.

Man ya em Brian Taylor husat i bin seketeri bilong Papua Niugini Ragbi Futbol Lig.

Mista Jeffery Wall husat i bin seketeri bilong Pot Mosbi Ragbi Lig long 1985 i bin tok olsem Papua Niugini i lusim wanpela man husat i helpim long mekim ragbi i kamap strong insait long Papua Niugini.

Mista Wall i tok em i bin lukim Brian Taylor planti taim bihain long ol man i bin paitim

Taylor ausait long haus bilong em long mun Desemba.

Lek bilong Taylor i wok long kamap gut gen bihain long ol dispela man i bin brukim.

Mista Taylor i bingo bek long wok long Ela Motos long wik i go pinis tasol em i pundaun long taim em i bin wok na ol i salim em i go bek long haus sik.

Mista Taylor i bin givim bikpela helpim long strongim wok bilong ragbi lig insait long Papua Niugini. Nau tu em i bin wok hat long traim na kamapim sindaun namel long Papua Niugini Ragbi Lig na Mosbi Ragbi Lig.

Em i bin wok tu

olsem siaman bilong makim ol reperi insait long Mosbi. Na em i bin wanpela memba bilong kotim ol pilaia husat i mekim trabel insait long taim bilong pilai.

Mista Wall i tok olsem Taylor i bin wanpela gutpela man na sitisen bilong Papua Niugini.

Mista Taylor i gat 39 krismas bilong em na em i bin kamap sitisen bihain long taim em i bin stap insait long wanpela selebren bilong ol Sepik we ol i bin katim skin bilong em long 1981. Long dispela taim i kam inap nau em i bin stap aninit long nem bilong Yambube famili bilong Is Sepik Provins.

## Tabubil softball enters its third round

THE THIRD round of Tabubil softball competition saw hot favour its Malangan go down to a young and strong PNGBC 40-39 in the men's main game.

PNGBC and Malangan both new teams in Tabubil softball competition fought evenly throughout the match. However, PNGBC emerged winners at the end with excellent batting and home runs from three top scorers Francis, Tony and David who made six runs each followed by Alex who made five runs. Both teams displayed some classic softball which the new town of Ta-

ubil had not seen in the competition.

From the margin of the score both teams are to be reckoned with in the Tabubil competition and are tipped to cause upsets in matches against other teams.

Second place Gazelle collected two easy points when competition leaders Brown Eagles failed to field a team.

Meanwhile in the women's first game PNGBC knocked Tabubil United 1 with a convincing 20-9 win. PNGBC should thank Ori for the win since she made four runs followed by Namu.

Tabubil United 1

cannot be overlooked as Sunaim Magi and Maria all put on an excellent effort to score two runs each for their team.


The women's second game between Brown Eagles and Tabubil United was postponed to March 14.

In the other men's game NGI managed to hold off Tabubil Cats to win 17-15 in another closely fought match. Benson and David Taule scored four runs each followed by three runs from Richard Kulangis

helped to seal the match for NGI. Andrew Aisa of Tabubil Cats scored four runs for his team.

The Tabubil softball ladder in the men's teams is as follows: Brown Eagles leading followed by Gazelle, NGI with Malangan and Tabubil Cats and a tie while PNGBC is still trailing at the end.

In the women's ladder, Tabubil Cats is leading followed by PNGBC then Tabubil United 1, Tabubil United 2 and Brown Eagles last.



Olgeta manmeri i sapatim Ragbi Lig insait long Papua Niugini i sori tru long lusim Brian A. Taylor husat i bin dai long Mosbi Jeneral Hospital long Mande, 13 Januери. Taylor i bin holim wok Seketeri bilong Papua Niugini Ragbi Futbol Lig.

Bihain long taim em i bin holim dispela wok, em i givim olgeta tingting na strong long kirapim smatpela pilai long Senia Klap, Junia gret, ol lokal Lig na Representativ level. Dispela hatwok i karim gutpela kaikai bilong en. Dispela helpim bilong em i no inap kamap moa. Yumi olgeta i mas go het long bihainim dispela astingting na wok bilong em long olgeta taim bihain.

Brian, yu Brata, Wantok na Wanwok bilong mipela, Slip wantaim belisi.

Mipela ol dispela lain i sori tru long lusim yu.

Ben Sabumei na olgeta pipel i sapatim Ragbi Lig insait long Papua Niugini.

Dawa E. Solomon (Ms)  
EKSEKTIVE OPISA.

WHY  
don't you sell  
newspapers?

Word Publishing Co are looking for  
Trade Stores & Wholesalers to sell...

**THE TIMES** and **Wantok**  
of Papua New Guinea

MINIMUM OF 30  
PAPERS / WEEK

Call

25-2500  
for further  
details or  
write to:


Box 1982  
Boroko







● With eyes on the pitcher Manet is ready to swing his bat.



● Simon Manet of Elcom gets ready to strike the ball while Island Hawks catcher Henry Kupkup is just as determined to catch the ball.

NISSAN GAZELLE turned on a scorching performance in Port Moresby's mens' softball last Sunday to devastate Honda Eagles 19-nil.

The long Christmas break did little to hinder Gazelle's team spirit. Actually it looked like a continuation of the Gazelle tournament. The first two innings saw some great base stealing actions.

Eagles' exuberant Okole Bartilom could have put the Eagles in the lead earlier in the innings after stealing second and third. However, luck ran out on him after a three down count on his side, after making it to third.

Gazelle had the opportunity in the first two innings to run away but it was the Eagles' tight fielding that kept the Gazelles in check. Gazelle, however, must have been trying out Eagles' infield defence in the first two innings.

In the third innings, Gazelle went on an all out stampede as they

played their strategy of neat placings and gutsy base stealing events which threw the Eagles' fielders into trouble.

The stampede brought in 10 clean runs to squash Honda's hopes.

Honda made costly errors which was quite unusual of them, missing catches through over throws, missing ground balls. Nissan Gazelle, however, are the team to beat yet again this season.

In the other games Elcom's bunting streak lead by masterminder William Daniel and Isikel Tovia combined well with Simon Manet, Noah Marangrang and lofty Rob-in's fly balls to comfortably beat Island Hawks 11-3.

Yokomo were unfortunate to lose after having taken the lead over Malangan early in the innings. Billy Nuembui who usually

by ALFRED KANINIBA

plays backstop, was put on the pitcher's mound, in place of their usual pitcher Ikiik who is on leave in Rabaul.

Billy tried his best but unfortunately it was where Yokomo's attack slumped to let Malangan overwhelm them with a 10-6 win.

In the early matches Kabiu earned an easy point from a forfeit over Mazda, while Fuji managed to hold NGI to a 2-all draw.

In next Sunday's games Malangan meets Kabiu in what should be a tight game. Malangan, who beat Yokomo last week will be out to repeat their performance.

However Kabiu are a die hard team and are always at the ready to face any challenge which comes their way. And this weekend they will be going out to try and prove they are not

a team to be played around with.

Nissan Gazelle should be able to easily thrash Yokomo if they hold on to their form.

Elcom should give Fuji a hard time. Elcom have begun their climb to the top and it looks as though they will be out to electrocute any team they meet.

They played a much better co-ordinated game last week and therefore seem to be on the verge of a major comeback.

Honda Eagles will have a hard bargain when they meet Island Hawks. Eagles, however, will have to tighten up their infield, and especially will need to make their short stop bend down lower and to be fast off the mark.

It was mainly their silly errors last Sunday that saw them go down

badly. However, if they can work that out before the game they should be able to beat Island Hawks.

In the main game on Sunday Mazda meets NGI in what should be a thrilling encounter. Both teams are determined to put the other down which will be a game worth watching.

Mazda should be back in full swing this

Sunday after their forfeit, and will be seeking revenge for that easy loss.

Pitcher Emil Kereku should be able to offload a series of strike outs with his fast pitches to break up the NGI batting order. Rupen Ratia, who is a reliable player, should encourage his boys to win this vital game

because it determines whether they stay on top or not.


NGI however, have experienced players like Ron Rolly, Nick Tata and Lohia Raka who should be able to handle the Mazda onslaught. If NGI can keep a tight infield and check the fly balls in the outfield they should hold Mazda to a draw.

### Sofbal Skoa Ol Man

<b>Diamond 1</b>	<b>Diamond 3</b>	<b>Nissan 0 Hansabe 7</b>
SPIA 4 Bomana 11	A.Niugini 7 Chebu 1	Aviat 17 Fuji 6
NGI 2 Fuji 2	NGI 8 Kabiu 3	Yokomo 0 Karanas 16
Mazda 0 Kabiu 7	Mazda 8 ESA 7	Kabiu 0 ESA 7
Nissan 19 B.Eagles 0	S Malangan 2	<b>Diamond 4</b>
Elcom 11 I.Hawks 3	B.Eagles 19	Yokomo 9 Dela Sale 3
Malangan 10	Nissan 7 Chebu 11	Tarangau 0 Saints 7
Yokomo 6	<b>Diamond 2</b>	B. Eagles 11 Uni 12
	Tarangau 0 Adcol 7	



● The ball lands neatly in Kupkup's glove after Isikel Tovia of Elcom missed his chance to bat.




● Nissan Gazelle's Peter Urari in action during their match against Brown Eagles. Nissan thrashed Eagles 19-0.






**KAVITE, FILIPINS** — Misis Imelda Marcos i mekim oposisen sain bilong pait (Laban) insait long wanpela ileksen kempein long Kavite Provins. Misis Marcos i kempein strong long man bilong em Ferdinand Marcos i mekim kamap presiden gen bilong Filipins.




**LONGON - INGLAN:** — Mat Coward i kisim namba "Bisop" long wanpela sios long Amerika bihain long em i bin pimisim wanpela korespondens kos bilong dispela sios. Mat i bin baim samting olsem K8 fi tasol long dispela kos na bihain em i kisim namba bilong "Bisop." Dispela poto i soim Mat Coward i raun long strit na karim wanpela hap pepa i tok save long dispela nupela wok bilong em.




**SAUT AFRIKA** — Dispela ples i soim we wanpela bom i bin pairap na kilim tupela waitman. Gavman bilong Saut Afrika i tok olsem ol i bilip ol lain bilong Afrika Nesenel Kongres i bin pairapim dispela bom.



**LOMA LINDA, KALIFONIA - AMERIKA** — Bebi Moses em stap laip yet bihain long ol dokta i bin putim nupela lewa i go insait long bodi bilong em. Bebi Moses i winim 43 de tasol na ol dokta i tok em i namba wan liklik bebi tru long wol long kisim nupela lewa.



**VATIKAN SITI, ROM** — Ol pipel i bung long lukim dispela elefen i mekim liklik so long Sen Peter Skwea bihain long lotu long Sande 5 Januери.



**MARIKUITA, KOLOMBIA**

Dispela mama i komim gras bilong pikinini bilong em ausait long haus sel bilong ol. Ol dispela famili i go sindaun long ples i maunten bihain long bikpela maunten paia long Nevado del Ruis i bagarapim ples bilong ol.

**OMOLON, RASIA**

Liklik Nadeshada i karamapim gut tru na em i wetim papa bilong em i stap. Papa bilong em i save lukautim ol kain dia em ol i kolim eindia long ples Omolon long Rasia. Ol dispela pipel i save yusim skin bilong dispela enimal long samapim ol klos bilong ol na wokim ol sel haus bilong ol.



**CO-AIR**

Co-ordinated Air Services Pty. Ltd.

Air Charter services throughout Papua New Guinea. Providing you direct access to the rural areas of Morobe Province.

For further inquiries contact:

**Paul Curry or**

**Keith Thomas**

**Phone: 42 3233**

**P.O. Box 1257 Lae.**

**AERIAL AVE, LAE**



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.